



ახალი ბანათლები

№33 (467) ბაზოლის 1998 წლიდან



ბაზოლის იკოვნილი
ხეხერი



ერთიანი ეროვნული
ბაზოლისა 2010

2010 წლის ერთიანი ეროვნული ბაზოლისათვის რამდენიმე მნიშვნელოვანი სიახლეა

1. ყველა აბიტურიენტი 4 გამოცდას ჩააბარებს, აქედან 3 ყველა საბაზოლის საერთო იქნება (ქართული ენა და ლიტერატურა, ზოგადი უნარები, უცხოური ენა). მეოთხე გამოცდას ფაკულტეტი აირჩევს შემდეგი ნუსხიდან: მათემატიკა, ისტორია, გეოგრაფია, ფიზიკა, ქიმია, ბიოლოგია, ლიტერატურა.

2. საბუნებისმეტყველო მეცნიერებების გამოცდა და ისტორია-საზოგადოებრივი მეცნიერებების გამოცდა დაიყო ცალკე გამოცდებამდე: ფიზიკა, ქიმია, ბიოლოგია, ისტორია, გეოგრაფია.

ფაკულტეტს შეუძლია აირჩიოს არა ერთი, არამედ რამდენიმე (ყველა) არჩევითი გამოცდა და დაანსოს კვოტა თითოეული გამოცდის შედეგით მისაღები კონტინგენტისთვის. მაგალითად: სამედიცინო უნივერსიტეტის ჯანდაცვის ფაკულტეტს შეუძლია მეოთხე გამოცდამდე აირჩიოს არა მხოლოდ ბიოლოგია ან მხოლოდ ქიმია, არამედ ფიზიკა, ქიმია და ბიოლოგია.

ასეთ შემთხვევაში ფაკულტეტი იმთავითვე განსაზღვრავს, თუ როგორ განაწილებს ადგილების რაოდენობას შესაბამისი გამოცდების მიხედვით. მაგალითად: თუ ერთ-ერთ ფაკულტეტზე მისაღები ადგილების რაოდენობაა 120, ფაკულტეტი აცხადებს, რომ 120-დან 30 ადგილზე მიიღებს აბიტურიენტებს, რომლებმაც ფიზიკა ჩააბარეს, 40-ზე მათ, ვინც ქიმია ჩააბარა, დანარჩენ ადგილებზე კი იმ აბიტურიენტებს, ვინც ბიოლოგია ჩააბარა. ასეთ შემთხვევაში აბიტურიენტი ირჩევს მითითებულად რომელიმე ერთ (ან რამდენიმე) გამოცდას.

ვთქვათ, იმ აბიტურიენტთაგან, რომლებაც ამ კონკრეტულ ფაკულტეტზე გააკეთეს განაცხადი და მეოთხე გამოცდად ფიზიკა ჩააბარეს, ჩაირიცხა 24. დარჩენილი 6 ადგილი უმაღლესი საგანმანათლებლო დაწესებულების მიერ წინასწარ გამოყოფილი კვოტებით შეივსება იმ აბიტურიენტებით, რომლებიც ამავე ფაკულტეტზე აბარებდნენ მეოთხე გამოცდად ქიმიას ან ბიოლოგიას და ვერ ჩაირიცხნენ ამ გამოცდებისათვის განკუთვნილ ადგილებზე.

3. იცვლება სახელმწიფო დაფინანსების გაცემის წესი. სახელმწიფო გრანტი კვლავ სრული და ნაწილობრივი (100%, 70%, 50% და 30%-იანი) იქნება, თუმცა 2010 წლიდან სახელმწიფო დაფინანსება გაიკვეთა არა მხოლოდ ზოგადი უნარების, არამედ ყველა გამოცდის (სავალდებულო გამოცდებისა და ერთ-ერთი არჩევითი გამოცდის) შედეგის მიხედვით, სადაც ზოგადი უნარების გამოცდის შედეგს ექნება წონა (კოეფიციენტი) 1,5. მაგალითად:

თუ აბიტურიენტმა მიიღო ქართულ ენასა და ლიტერატურაში

რამი 169,1, ზოგადი უნარებში 165,7, უცხოურ ენაში 164,8 და მათემატიკაში 164,0 მისი საგრანტო ქულა იქნება $169,1 + 165,7 \times 1,5 + 164,8 + 164,0 = 746,45$

745,45 იქნება აბიტურიენტის საგრანტო ქულა, რომლითაც ის კონკურენციას გაუწევს სხვა აბიტურიენტებს დაფინანსების მოსაპოვებლად შემდეგი პრინციპით:

სახელმწიფო დაფინანსების გაცემა მოხდება არა ერთიანი რეიტინგული სისის მიხედვით, არამედ ყოველი არჩევითი საგნისთვის (მათემატიკა, ისტორია, გეოგრაფია, ფიზიკა, ქიმია, ბიოლოგია, ლიტერატურა) შედეგება საგრანტო ქულაზე დაფუძნებული რეიტინგული სია და კონკრეტული არჩევითი საგნისთვის გამოყოფილი თანხა ამ რეიტინგული სისის მიხედვით განაწილდება. მაგალითად: დაფინანსების მოსაპოვებლად ერთმანეთს კონკურენციას გაუწევს ყველა აბიტურიენტი, რომელმაც ჩააბარა მათემატიკა, ზუსტად ასევე ერთმანეთს შეეჯიბრებიან აბიტურიენტები, რომლებმაც ჩააბარეს ქიმია, ან ლიტერატურა და ა.შ.

აკადემიური უმაღლესი საგანმანათლებლო პროგრამის დაფინანსებისათვის გამოყოფილი თანხის 7% თანაბრად განაწილდება ყოველ არჩევით საგანზე (მათემატიკა, ისტორია, გეოგრაფია, ფიზიკა, ქიმია, ბიოლოგია, ლიტერატურა - თითოეულზე 1%). დარჩენილი 93% - პროპორციულად განაწილდება აბიტურიენტების მიერ არჩევითი საგნის არჩევის რაოდენობის შესაბამისად (ე.წ. კონკურსის შესაბამისად).

თუ აბიტურიენტი ჩააბარებს რამდენიმე არჩევით საგანს, მისი დაფინანსება მოხდება იმ არჩევითი საგნის სკალირებული ქულის შესაბამისად, რომლითაც ის მოიპოვებს სწავლის გაგრძელების უფლებას კონკრეტული უმაღლესი საგანმანათლებლო დაწესებულების ფაკულტეტზე.

თუ აბიტურიენტი ჩააბარებს ფაკულტეტის მიერ მოთხოვნილ ორ ან მეტ არჩევითი საგნის გამოცდას, ის დაფინანსების კონკურსში მონაწილეობას მიიღებს იმ არჩევით საგანში მოპოვებული სკალირებული ქულით, რომლითაც მეტ დაფინანსებას მიიღებს, მიუხედავად იმისა, რომელი გამოცდის შედეგით ჩაირიცხება ამ ფაკულტეტზე.

თუ რომელიმე მიმართულებისათვის გამოყოფილი თანხა ბოლომდე ვერ იქნება ათვისებული, დარჩენილი რაოდენობა პროპორციულად გადაწილდება არჩევით საგნებს შორის.

4. მიუხედავად იმისა, თუ რამდენია საგამოცდო ტესტის მაქსიმალური ქულა (100, 80 ან სხვ.), მინიმალური კომპეტენციის ზღვარი იქნება მაქსიმალური ქულის 25% (უცხო ენებისათვის 20%). შესაბამისად, აბიტურიენტმა უნდა მიიღოს მაქ-

სიმალური ქულის 25%-ზე მეტი (უცხო ენებისათვის 20%-ზე მეტი), რათა გააგრძელოს კონკურსში მონაწილეობა. უმაღლესი სასწავლებელს აქვს უფლება, საკუთარი შეხედულებისამებრ გაზარდოს მინიმალური კომპეტენციის ზღვარი.

5. ზოგადი უნარების ტესტის თითოეულ ნაწილში (ვერბალური და მათემატიკური) იქნება 40 (და არა 50) დავალება, ხოლო ტესტზე სამუშაოდ აბიტურიენტებს კვლავ 3 საათი მიეცემა. ზოგადი უნარების ტესტის მაქსიმალური ქულა იქნება 80, მინიმალური კომპეტენციის ზღვარი კი 25%, ანუ 20 ქულა (აბიტურიენტმა უნდა მიიღოს მინიმუმ 21 ქულა, რათა გააგრძელოს კონკურსში მონაწილეობა).

6. სახელოვნებო ან სასპორტო უმაღლესი საგანმანათლებლო დაწესებულების საშემსრულებლო ან სასპორტო საგანმანათლებლო პროგრამაზე ჩააბარებლად აბიტურიენტი აბარებს შესაბამის კონკურსს და 3 გამოცდას (ქართული ენა და ლიტერატურა, ზოგადი უნარები, უცხო ენა).

აბიტურიენტი, რომელიც აბარებს სახელოვნებო ან სასპორტო უმაღლესი საგანმანათლებლო დაწესებულების საშემსრულებლო ან სასპორტო საგანმანათლებლო პროგრამაზე, სახელმწიფო დაფინანსებას იღებს შესაბამისი კონკურსის შედეგის საფუძველზე საქართველოს კულტურის, სპორტისა და ძეგლთა დაცვის სამინისტროსგან.

თუ აბიტურიენტი აბარებს სახელოვნებო ან სასპორტო უმაღლესი საგანმანათლებლო დაწესებულების ფაკულტეტების საშემსრულებლო ან სასპორტო საგანმანათლებლო პროგრამაზე და სურს, მოიპოვოს სახელმწიფო სასწავლო გრანტი, მან, სავალდებულო საგნებთან ერთად, უნდა ჩააბაროს მის მიერ არჩეულ არჩევითი საგნებიდან ერთი გამოცდა. არჩევითი საგნის გამოცდის ქულა გათვალისწინებული იქნება მხოლოდ სახელმწიფო სასწავლო გრანტის მოპოვების მიზნებისთვის.

2010 წლის ერთიანი ეროვნული საგამოცდო პროგრამა (პროექტი)

2010 წლის ერთიანი ეროვნული საგამოცდო პროგრამის საბოლოო ვერსია გამოქვეყნდება მას შემდეგ, რაც საქართველოს განათლებისა და მეცნიერების სამინისტროში ეროვნულ სასწავლო გეგმებთან ერთიანი ეროვნული საგამოცდო პროგრამის შესაბამისობის საკითხების განხილვის მიზნით შექმნილი კომისია დაასრულებს მუშაობას და კომისიის დასკვნის საფუძველზე საქართველოს განათლებისა და მეცნიერების მინისტრი დაამტკიცებს 2010 წლის ერთიანი ეროვნული საგამოცდო პროგრამას.

„დიალოგი“-ის ხელმოწერითა და საჯაროდ აღვადგინო!

„დიალოგი“-ის პირველი ნომერი ბაზოლაში მიმდინარე სასწავლო წლის 11 ნოემბერს, ამიტომ ერთდროულად ხელმოწერის ვადა გაგრძელდა 10 ნოემბრამდე. გთხოვთ, გადახდის დაგეგმვაზე დაგეგმილი 10 ნოემბრამდე მიხედვით თქვენი რაიონის საგანმანათლებლო რესურსცენტრს. წინააღმდეგ შემთხვევაში, ხელმოწერა ვერ მიიღებს გაზეთის პირველ ნომერს

სიახლე! 2009-2010 სასწავლო წელს გაზეთ „დიალოგი“-ის ხელმოწერას და გავრცელებას ახორციელებს გაზეთ „ახალი განათლება“-ს რედაქცია

2009-2010 სასწავლო წელს გამოვა „დიალოგი“ -ის 8 ნომერი (ნომბერ-ივნისი). გაზეთის გამოწერის მსურველმა უნდა მიმართოს სკოლას, რადგან სკოლებიდან მოხდება მისაღები კომპლექტების რაოდენობის შესაბამისად გამოწერის თანხის გადარიცხვა გაზეთ „ახალი განათლების“ სპეციალურ ანგარიშზე.

გადმორიცხვის დროს, აუცილებელია, გარკვევით მიეთითოს ძალაძის, ღაბის ან სოფლის დასახელება.

სასურველია, ხელმოწერები განხორციელდეს 10 ნომბრამდე, რათა ყველა ხელმოწერა მიიღოს „დიალოგი“-ის სრული კომპლექტი. „დიალოგი“-ის საცალო ღირებულებაა 1 ლარი, კომპლექტის ანუ გამოწერის წლიური თანხა შეადგენს 8 ლარს.

გაზეთის გამოწერა შეუძლიათ: რესურსცენტრებს, სკოლებს, კერძო პირებს და ორგანიზაციებს.

გაზეთ „ახალი განათლების“ რედაქციის მისამართია: თბილისი, ტაბაქაშვილის 3, ტელ: 95 80 23, 890 958023; 877 132283 ელფოსტა: axaliganatleba@gmail.com, ganatleba@mail.ru

გაზეთის ხელმოწერის თანხა შეგიძლიათ გადაიტანოთ შემდეგ საბანკო ანგარიშზე:

მიმღები	შპს „ახალი განათლება“
მიმღები ბანკი	სს „ბაზისბანკი“
ბანკის კოდი	220101956
ანგარიშის ნომერი	30236563
საიდენტიფიკაციო კოდი	202058735

ამ ანგარიშზე თანხის ჩარიცხვა შესაძლებელია საქართველოს ნაგებობის მინისტრის განკარგულებაში.

პატივისცემით, „დიალოგი“ -ის რედაქცია

გაგონებულება

დაუსჯელობის სინდრომი რომ არ დამკვიდრდეს

ორივე სიტყვით მინდა შევეხო ბავშვთა აგრესიის ერთობ პრობლემურ საკითხს და კონკრეტულად ვისაუბრო ბოლო დროს ძალიან გახშირებულ შემთხვევებზე, როდესაც სამმა მოზარდმა გოგონამ, ეგრეთ წოდებულ „ლონდონის ბაღში“, ერთ გოგონას ექვსი წრილობა მიაცენა.

ჩემთვის ეს შემთხვევა ორმაგად მტკივნეულია: ჯერ ერთი იმიტომ, რომ დანაშაულში ეჭვმიტანილი ნ. კ. ჩვენი სკოლის მოსწავლედ ირიცხება დღემდე (თუმცა მან თბილისში 5 სკოლა გამოიცვალა და მხოლოდ ბოლო რამდენიმე თვე სწავლობდა ჩვენთან), ხოლო დაზარალებულის პირადი ფსიქოლოგი ვარ. ორმაგად დიდი პრობლემის წინაშე აღმოვჩნდი. მინდა, ჩემი შეხედულება ამის შესახებ ორიოდე სიტყვით მოგახსენოთ.

უდიდესი პატივისცემით მივესალმები ჩემი კოლეგა-ფსიქოლოგების აზრს, რაც საკითხებში საერთო პლატფორმაზე ვეგავართ, მაგრამ მე, როგორც პრაქტიკოსი ფსიქოლოგი, რომელსაც ყოველდღიური ურთიერთობა მაქვს სკოლის მოსწავლეებთან, ცოტა განსხვავებული აზრი მაქვს დანაშაულის პრევენციისა და დასჯის შესახებ. თქვენი გახებით ერთ-ერთ ნომერში ერთი ძალიან კომპეტენტური ფსიქოლოგის მიერ ითქვა ასეთი რამ: „დღეს თავისუფლების აღკვეთა ქურდობაცაცას ყაჩაღად აქცევს და რომ პრობლემის ყველაზე ეფექტური და ჰუმანური გადაწყვეტა მოზარდთა შორის ძალადობის პროფილაქტიკაა, რომ მოზარდებთან მეტი კონტაქტია საჭირო, ვიდრე მათზე კონტროლის გაძლიერება“.

რა ვქნათ მაშინ, როდესაც დანაშაული უკვე მოხდა, როგორ მოვიქცეთ?

მე, ერთი ჩვეულებრივი სკოლის ჩვეულებრივ ფსიქოლოგს, შეკითხვა მაქვს სამართალდამცავ ორგანიზაციებთან, განათლებისა და მეცნიერების მინისტრთან, კანონმდებლებთან, მთელ საზოგადოებასთან, მოსწავლეთა მშობლებთან და თვით მოსწავლეებთან. ნუთუ მათ დასაშვებად მიაჩნიათ ის ფაქტი, რომ დღისით, მზისით, ქალაქის ცენტრში, ერთ მოზარდს, თანაც გოგონას, თავს ესხმის სამი გოგონა, ამთგან ერთი იქვსი წრილობას აყენებს დანით, დანარჩენი ორს დაჭრილ გოგონას აკავებს და იმ ადგილას ურტყამს, სადაც დანა მოხვდა. ამ ყველაფრის შემდგომ ეს გოგონა ათი ათასი ლარის სანაცვლოდ გარეთაა და თურმე იმასაც ვერ აცნობიერებს, რა დააშავა.

თუკი ზემდგომი ორგანოები ამიხსნიან, რომ მსგავსი ქმედება, მსგავსი დანაშაული სასჯელს არ ექვემდებარება იმ უბრალო მიზეზის გამო, რომ დამნაშავე არასრულწლოვანია და თანაც გოგონა, მაშინ ვერ ვხსნი იმ ფაქტს, რატომაა დასჯილი არასრულწლოვანი გვანცა ყუფარაძე ასეთივე დანაშაულისათვის მიართვა იხდის სასჯელს უკვე მეხუთე წელიწადი. ვერ ვხსნი იმ ფაქტებს, რატომ უნდა გაასამართლონ მოზარდი ერთი ბანანის ან შოკოლადის ფილის მოპარვისათვის, რატომ უნდა გავამკაცროთ სკოლაში მოსწავლეთა ქცევის წესები, რატომ უნდა ვატაროთ პერიოდულად სკოლაში ჩხრეკა ცივი იარაღის ამოსაღებად, რატომ უნდა დავსაჯოთ მოსწავლეები გაკვეთილზე ხუთი წუთის დაგვიანებისთვის, ან თუნდაც იმისთვის, რომ მოსწავლისათვის შეუფერებელი სამოსით დადიან? რაღა საჭიროა მაშინ სკოლის ფსიქოლოგი, დაცვა, საერთოდ მასწავლებელი?

რა პასუხი გავცე ჩემი სკოლის თორმეტი წლის მოსწავლეს, რომელსაც გაუჩნდა აზრი, რომ თავისუფლად შეუძლია დანით დაჭრას ვინც არ მოსწონს და მერე თავისი მეცნიერმუშაკი დედა, რომელსაც ფული არ აქვს, სახლს გაყიდოს და ციხიდან გამოიყვანოს?

რა პასუხი გავცე ჩემი სკოლის თორმეტი წლის მოსწავლეს, რომელსაც გაუჩნდა აზრი, რომ თავისუფლად შეუძლია დანით დაჭრას ვინც არ მოსწონს და მერე თავისი მეცნიერმუშაკი დედა, რომელსაც ფული არ აქვს, სახლს გაყიდოს და ციხიდან გამოიყვანოს? რატომ უნდა გახდეს ნ.კ.-ს ქმედება მისაბაძი სხვა ბავშვებისათვის და რატომ უნდა შეუთვალოს ერთმა გოგონამ მეორეს: „ფრთხილად იყავი, შენც მარიაშის ბედი არ გაიზიარო“. რა პასუხი გავცე მარიაშს, რომელიც გარეგნულად არ იმჩნევს არაფერს, მაგრამ შინაგანად ძალიან დათრგუნულია, ოთახში იკეტება და ტირის, შიშით სკოლაში წასვლა არ უნდა, ან მის დედას, რომელმაც, ფაქტობრივად, ოჯახის საქმე მიატოვა და დიდი დანაშაული სკოლაში დარაჯობს, რადგანაც დაუცველად გრძობს თავს და ხელახალი აგრესიის ემინია.

ნუთუ ეს სამეული მხოლოდ და მხოლოდ იმისთვის არ უნდა დაისაჯოს, რომ არასრულწლოვან გოგონასთვის არ არის შესაფერისი პირობები ქალთა კოლონიაში, ან იმიტომ რომ ფულიანი ბიძები ჰყავთ?

ჩემი რჩევა, ზოგადად, დედებს, მამებს, ბიძებს და საერთოდ ოჯახის მეგობრებს: უპრი-

ანი იქნება უფრო გონიერად მართონ თავიანთი ფინანსები და მხოლოდ მაშინ კი არ დახარჯონ, როდესაც დანაშაული მოხდება, არამედ დროზე მოახდინონ დანაშაულის პრევენცია და ეს თანხები ბავშვთა აღზრდას, ჯანსაღი მიზნებისა და ინტერესების ჩამოყალიბებას მოახმარონ.

აუცილებელია, სკოლას გვერდით დაუდგინდეს მშობლები, რომლებსაც, ხშირ შემთხვევაში, ფსიქოლოგი ფსიქიატრისგან ვერ გაურჩევიათ და ძალიან აგრესიული ხდებიან, როდესაც საკუთარი შვილების მიმართ მეტი ყურადღებისა და თბილი დამოკიდებულებისაკენ მოვუწოდებთ.

რა ქნას სკოლამ? როგორ მოიქცეს იმ მოზარდებთან მიმართებაში, რომლებიც გზის გასაყართან დგანან და არ იციან საით წავიდნენ, მარჯვნივ თუ მარცხნივ? როგორ მოვიქცეთ მსგავსი დაუსჯელობის სინდრომის გამო, ხელი შევეწყობოთ მათ მარცხნივ წასვლას თუ რაღაც გარკვეული მეთოდებით დავსაჯოთ დამნაშავე და ვაჩვენოთ მოზარდს, რა ქმედება როგორ და რა გზით ისჯება, რა შედეგი მოჰყვება ყოველივე ამას.

დიდი ინტერესითა და გულისყურით ველი გამომხატებელს საზოგადოებისაგან და მიმართა, რომ ეს მარტო სკოლისა და მშობლის პრობლემა არაა, რომ ეს მთლიანად იმ სოციალური პრობლემაა, რომელშიც ბავშვი იმყოფება.

ნიმუ ლოროტიფანიძე

55-ე საჯარო სკოლის ფსიქოლოგი

ეროვნული სასწავლო გეგმა – შენიშვნები

ეროვნული სასწავლო გეგმა, რომლის დანერგვა საქართველოს სკოლებში 2006-2007 სასწავლო წელს დაიწყო, განათლების რეფორმის ყველაზე მნიშვნელოვანი მონაპოვარია. ჩვენ არ ვაპირებთ საგანმანათლებლო სივრცეში მის როლზე დანერგვით საუბარს, აღვნიშნავთ მხოლოდ, რომ „ამ სასწავლო გეგმას მასწავლებლების პროფესიული სტანდარტები, შესაბამისი სასერტიფიკაციო მოთხოვნები და აბოლუტიზებული მნიშვნელობის სასწავლებლების გამოცდების პროგრამები ეფუძნება. სკოლების აკრედიტაციის უმნიშვნელოვანესი კრიტერიუმებიც სწორედ ეროვნული სასწავლო გეგმის მოთხოვნების ხარისხიან შესრულებაზეა. ეროვნული სასწავლო გეგმის საფუძველზე იქმნება ასევე მასწავლებლების მოსამზადებელი და კვალიფიკაციის ამაღლების პროგრამები“ (ესგ, 2009 წ. გვ. შეს.-5). აღარაფერს ვიტყვით ეროვნული სასწავლო გეგმის მნიშვნელობაზე ახალი სახელმძღვანელოების შექმნის პროცესში.

პირველივე გვერდზე (შეს.-5) ვეცნობით საყურადღებო ცვლილებებს ახალ რედაქციაში. კერძოდ: „სახელმძღვანელოს მოქმედების ვადა სკოლაში ხდება 5 წელი“. წინა რედაქციაში მიხედვით სახელმძღვანელოთი სარგებლობა საკვლევებელი იყო 3 წლის მანძილზე. ეს ნორმა არ კრძალავდა სახელმძღვანელო გამოყენებულ ყოფილიყო 5 წლის მანძილზეც. ჩემთვის ძნელი წარმოსადგენია, 2014 წელს ვასწავლო მოსწავლეს იმ სახელმძღვანელოთი, რომლითაც ვასწავლიდი 2009 წელს, მით უმეტეს, როდესაც ამ სახელმძღვანელოს მეხუთე ბავშვი იყენებს. თვით საბჭოური დროის სკოლაში სახელმძღვანელოს გამოყენება რეკომენდებული იყო მხოლოდ 4 წელიწადს. პირადად მე მიმაჩნია, რომ სკოლა და პედაგოგი აბოლუტიზებულად თავისუფალი უნდა იყოს სახელმძღვანელოს შერჩევის საკითხში. თუ 2010 წელს გამოიცა სახელმძღვანელო, რომელიც უმჯობესია 2009 წლის ანალოგიურ, რატომ უნდა ვიყო იძულებული და რატომ უნდა ვაიძულო ბავშვიც ვისწავლოთ უარესი სახელმძღვანელოთი? ის, რომ მშობლებს უჭირთ სახელმძღვანელოების შექმნა, ჩვენი აზრით სხვა რიგის პრობლემაა და სხვა მექანიზმებით უნდა მოგვარდეს (მაგალითად, სკოლების მიზნობრივი სუბსიდიზაცია). ამასთან, ეს გადაწყვეტილება გამოიწვევს მოტივაციის დაკარგვას გამოცემვლებისათვის სახელმძღვანელოების გაუმჯობესების მიმართულებით. იქნებ აქ ის იგულისხმება, რომ სახელმძღვანელო შეიძლება ახალი იყოს, ოღონდ იმავე რედაქციისა და იმავე ავტორების მიერ გაუმჯობესებული? ამ შემთხვევაში უფრო გაუმჯობესებულია შერჩევის მეზღუდა.

მეორე გვერდზე ვკითხულობთ: „შეიცვალა საფეხურის ნიშნის გამოთვლის პროცედურები, რომელზეც დამოკიდებულია ატესტატები და მედელები“. სანამ შეფასებაზე გადავიდოდეთ, გვინდა შევხვდეთ მედელების გაცემას, რომელსაც თავისი დადებითი მხარეები უდაოდ აქვს. მიგვაჩნია, რომ სანამ საერთო ეროვნული შეფასება არ დამკვიდრდება საქართველოს საჯარო სკოლებში, რაიმე ტიპის ჯილდოების გაცემა მოსწავლეებზე მიზანშეუხონელია. ასე მაგალითად, თუ მაგანი მოსწავლე ქ. ჭიათურის № 19 სკოლაში საფეხურის საერთო ნიშნად დაიმსახურებს „ცხრას“, იმავე მოსწავლემ ქ. ნალკის № 8 სკოლაში შეიძლება მიიღოს „რვა“ ან პირიქით. იგივე ეხება პროგრამას „ჩემი პირველი კომპიუტერი“. კარგი იქნება თუ ამ პროგრამისთვის საჭირო თანხებით დაქარდებოდა სკოლების ინტერნეტში ჩართვა, ანუ ნახალისდებოდა არა ცალკეული ნიშნავლე, მით უმეტეს, როცა არაობიექტურობის ალბათობა მაღალია, არამედ მთლიანად სკოლა.

წლიური ნიშანი რომელიმე საგანში არ უნდა ჰქონდეს „1“, ნიშანი „2“ საგნის წლიური ნიშნად არ უნდა ეწეროს სამ საგანზე მეტში და ნიშანი „3“ საგნის წლიური ნიშნად არ უნდა ეწეროს ხუთ საგანზე მეტში (მთელ საფეხურზე). შესაძლოა სკოლას მიეცეს უფლება დაადგინოს მისთვის მისაღები სხვა ნიშნული, ოღონდ არანაკლებ ესგ-ის მოთხოვნისა. აქვე ყურადღება გვირთა მივაქციოთ ტრიმესტრული ნიშნის შედგენელობის ნაწილებს. ესგ-ში ვკითხულობთ: მოსწავლეები შესაძლოა შეფასდეს შემდეგი კომპონენტების მიხედვით: ა) გაკვეთილზე ჩართულობა, ბ) საშინაო დავალება, გ) მიმდინარე საკლასო დავალებები, დ) შემაჯამებელი დავალებები (საკონტროლო/გამოცდები/ტესტირება და სხვ.), ე) პროექტები, ვ) დამატებითი კომპონენტი, რომელიც საერთო შეფასების 10%-ია და რომელიც მოსწავლეების მიერ დგინდება (მაგ. ორგანიზებულია, შემოქმედებითობა, ჯგუფში ეფექტური მუშაობა და სხვ.).

რაც შეეხება საერთო წლიური ნიშნის. ესგ-ში (გვ. შეს. - 18) წერია: საერთო წლიური ნიშანი მრგვალდება შემდეგი პრინციპით: 0,5-დან 1,4-მდე = 1; ხოლო 1,5-დან 2,4-მდე = 2 და ა.შ. საინტერესოა, რა შემთხვევაში შეიძლება მოსწავლის წლიური ნიშანი იყოს „0,6“? შეიძლება მოსწავლემ საგნის წლიური ნიშნად დაიმსახუროს „0“? ვფიქრობთ, საჭიროა ამის დაზუსტება.

მოსწავლეთა როლდება: ესგ-ში (გვ. შეს. - 8) ვკითხულობთ: „რეკომენდებულია, რომ მოსწავლეების როდენობა გაკვეთილზე არ აღემატებოდეს 25-ს...“

მოსწავლეების როდენობა კლასებში არის 30“. ვფიქრობთ, რომ ამ ტექსტში არ პირველი ნაწილია ზედმეტი ან მეორე. ასევე, არაფერია ნათქვამი კლასში მოსწავლეთა მინიმალური როდენობაზე. სოფლის სკოლის მე-7 კლასში 1 მოსწავლე რომ დარჩეს, სად უნდა ისწავლოს? ასე რომ, კლასში მოსწავლეთა როდენობის განსაზღვრის მიზნით, სასურველი იქნება ასგ-ში შემდეგი ჩანაწერის გაკეთება: „კლასში მოსწავლეთა მინიმალური როდენობა არის 30 მოსწავლე, მინიმალური - 1.“

აქვე საუბარია ე. წ. კლასკომპლექტის შექმნაზეც. ვკითხულობთ: „...კლასკომპლექტების შექმნა მიზანშეუხონელია მხოლოდ ორი ასაკობრივი ჯგუფის გაერთიანებით და ისიც იმ შემთხვევაში თუ ერთობლივად მოსწავლეთა როდენობა არ აღემატება 20-ს.“ მიგვაჩნია, რომ გაუმჯობესება: თუ I და III კლასებში არის 14 მოსწავლე, სკოლა ვალდებულია, გახსნას კლასკომპლექტი? თუ – შეუძლია, გახსნას?

ვფიქრობთ, კარგი იქნება თუ გახსნას „ახალი განათლება“ გახსნის რუბრიკა ეროვნული სასწავლო გეგმის შესახებ. ჩვენც ჩვენის მხრივ სიაზიანივით გავიზიარებთ მოსაზრებებს ამ და სხვა საკითხებზე, მისამართზე: aiazma@yahoo.com

გიორგი ჭაჭაბაძე

ნალკის საგანმანათლებლო რესურსცენტრის უფროსი სპეციალისტი

ნამდვილად აღნიშნავს ღირსია ის სამუშაო, რომელიც წლების განმავლობაში გასწავლილი სასწავლო გეგმებისა და შეფასების ცენტრმა ბატონი სიმონ ჯანაშიას ხელმძღვანელობით.

ამ წერილში გვინდა ყურადღება მივაქციოთ იმ საკითხებს, რომლებიც საკამათო არ ჩვენთვის გაუგებარი გვეჩვენებდა ეროვნული სასწავლო გეგმის 2009 წლის გამოცემაში.

პირველ რიგში აღვნიშნავთ, რომ გამოცემის ფორმა (ვერსიონობა) ესგ-ის აკინძვას) პრაქტიკულია სკოლის პედაგოგთათვის, რადგან თითოეულ საგნობრივ კაბინეტს შეუძლია საკუთარად იქონიოს გეგმის ის ნაწილი, რომელიც მას აინტერესებს. ორიგინალურად და ეკონომიურად იყო გადაწყვეტილი გასული სასწავლო წლისა და ახალი სასწავლო წლის ეროვნული სასწავლო გეგმების ერთ-ერთად აკინძვის ვარიანტიც, თუმცა ვფიქრობთ, რომ მომავალი სასწავლო წლისათვის მთლიანად უნდა განახლდეს ესგ-ის სკოლებში დასარიგებული ეგზემპლარები.

ახლა რაც შეეხება შინაარსობრივ მხარეს.



საქართველოს განათლებისა და მეცნიერების სამინისტროს

განცხადება

საქართველოს მთავრობის 2009 წლის 22 ოქტომბრის №191 დადგენილებით „2009-2010 სასწავლო წელს უმაღლეს საგანმანათლებლო დაწესებულებებში აკადემიური უმაღლესი განათლების პირველ საფეხურზე ან პროფესიული უმაღლესი განათლების საგანმანათლებლო პროგრამაზე ჩარიცხულ სტუდენტთა სოციალური პროგრამის ფარგლებში, სახელმწიფო სასწავლო გრანტით დაფინანსების ოდენობისა და პირობების განსაზღვრის შესახებ, საქართველოს მთავრობის 2009 წლის 14 აგვისტოს №149 დადგენილების“ მეშვეობით მუხლის პირველ პუნქტს დაემატა „დ1“ ქვეპუნქტი, რომლის მიზანია სოციალური პროგრამის ფარგლებში, სახელმწიფო სასწავლო გრანტის ამ დადგენილებით განსაზღვრული წესით გადანაწილების შედეგად დარჩენილი თანხის გადანაწილებისას იმ სტუდენტთა გათვალისწინება, რომლებიც ბოლო ორი წლის განმავლობაში სწავლობდნენ და სრული ზოგადი განათლების დამატებითი დოკუმენტი მიიღეს „ოკუპირებული ტერიტორიების შესახებ“ საქართველოს კანონით გათვალისწინებულ ოკუპირებულ ტერიტორიაზე (შემდგომში – ოკუპირებული ტერიტორია) არსებულ ზოგადსაგანმანათლებლო დაწესებულებებში, ან რომელთა სრული ზოგადი განათლების აღიარება მოხდა საქართველოს განათლებისა და მეცნიერების სამინისტროს მიერ დადგენილი წესით, ან რომლებიც 2008 წლის 7 აგვისტომდე მე-10 და მე-11 კლასებში სწავლობდნენ ოკუპირებულ ტერიტორიაზე, ხოლო სრული ზოგადი განათლების დამატებითი დოკუმენტი მიიღეს ოკუპირებული ტერიტორიის ფარგლებს გარეთ. კერძოდ, აღნიშნული ცვლილება შეეხება აფხაზეთის ავტონომიური რესპუბლიკის, მათ შორის აჭარის მუნიციპალიტეტის, ცხინვალის რეგიონის (ყოფილი სამხრეთ ოსეთის ავტონომიური ოლქის ტერიტორია), მათ შორის, ქუთაის, ერედვის და ახალგორის მუნიციპალიტეტების, საჩხერის მუნიციპალიტეტის სოფელ პერევის შესაბამისი კატეგორიის სტუდენტებს.

დამატებითი ინფორმაციისათვის
 ღარაბეთი: 43 88 53

ან სამინისტროს ვებგვერდზე www.mes.gov.ge იხილეთ:
 საქართველოს მთავრობის დადგენილება №149, 2009 წლის
 14 აგვისტო, ძ. თბილისი, საქართველოს განათლებისა და მეცნიერების მინისტრის 2009 წლის 07 სექტემბრის №736 ბრძანება.

განცხადება

დუშეთის რაიონის მაღალმთიან სოფელ შატილის სკოლა-პანსიონს ესაჭიროება ინგლისური ენის მასწავლებელი. მინიმალური ხელფასია 550 ლარი. მასწავლებელი სკოლაში არსებულ პანსიონში უზრუნველყოფილი იქნება ბინით, კვებით, გათხოვებით. საკუთარი ჰანსის წყალობით, სოფელს აქვს მუდმივი ელექტროენერგია. ნომერიდან მაისამდე, დიდთოვლობის გამო, დათვიჯვრის უღელტეხილი იკეტება, თუმცა, სავარაუდოდ, წლელს, თვეები ერთხელ, ვერტმფრენი იფრენს. მასწავლებლები მისი მომსახურებით უფასოდ ისარგებლებენ. სოფელში მოგიწევა ტელეფონი არ იქნება, მაგრამ სკოლაში არის ინტერნეტი და მასწავლებლებს ოჯახთან დაკავშირების შესაძლებლობა ექნებათ.

მსურველები გამომგვიხმარონ ნომერი 899 957-454

ყურადღება!

ხუთი-შვილი წლის ბავშვებისთვის იხსნება გარემონიერი ენის ქურსი „შინ Frau-სთან.“

პედაგოგი: ხათუნა კობალეიშვილი.
 პროგრამა: ზეპირმეტყველება, მათ შორის საბავშვო ლექსები, სიმღერები, გამოცანები, თამაშები და ა. შ. (ე. წ. Tante-ს მეთოდით).
 გააკვეთილი ტარდება კვირაში ოთხჯერ
 მისამართი: აღმაშენებლის გამზ. 176 (გერმანიის საელჩოს გვერდით).
 მეცადინეობის ხანგრძლივობა 2სთ. 30წთ.
 დაინტერესებულ მშობლებს გთხოვთ დარეკოთ: 899 51 18 18

21 ნოემბერი
2009

VI კლასელთა XII ტესტირება-ტურნირი პრიზებით



გამარჯვებულ მოსწავლეთა ჯილდოები:



ლექტონი




ნოუბუქი



ციფრული ფოტოკამერა



ველოსიპედი



MP4

რაიონის მიხედვით პირველ ადგილზე გასულ მოსწავლეს გადაეცემათ მოგიწევი ტელეფონი

გუნდური შედეგების მიხედვით სამი სკოლა დაჯილდოვდება პრემიებით

ტურნირის ყველაზე წარმატებული მოსწავლეები, სურვილის შემთხვევაში, ჩაირიცხებიან:

- თბილისის დემიკრატის სახელობის კერძო კოლეჯი.
 - ბათუმის რ. შაჰინის სახელობის მეგობრობის ლიცეუმი.
 - შუთაისის ნიკო ნიკოლაძის სახ. ლიცეუმი.
 - რუსთავის რუსთაველის სახ. სკოლა-ლიცეუმი.
- მათთვის სწავლა და პანსიონში ცხოვრება უფასოა.

ტესტირება-ტურნირის ცენტრები:

- დემირელის სახელობის კერძო კოლეჯი თბილისი, გრიშაშვილის ქ. №51 ტელ.: 75-44-94, 75-24-58;
- სკოლა-ლიცეუმი „სნივი“ თბილისი, დიდი დილომი, მისის დასახლება, ნაკვეთი 368 ტელ. 59 67 01; 59 67 02; 59 67 03.
- რ. შაჰინის სახელობის მეგობრობის ლიცეუმი ბათუმი, ხიმშიაშვილის ქ. №19 ტელ.: 7-64-09
- ნიკო ნიკოლაძის სახ. ლიცეუმი ქუთაისი, ი. აბაშიძის გამზ. №22ა, ტელ.: (231) 7 05 28;
- რუსთავის რუსთაველის სახ. სკოლა-ლიცეუმი რუსთავის გზატკეცილის 22-ე კმ. ტელ. 893 69 81 23.
- მარნეულის სასწავლო ცენტრი მარნეული, ჩოლოყაშვილის ქუჩა, 8257 22420

ორგანიზატორი –

„ჩაღლარის“ საგანმანათლებლო დაწესებულება

ტურნირში მონაწილეობის მსურველნი, გაიარეთ რეგისტრაცია თქვენივე სკოლის დირექტორში, რომელმაც 2009 წლის 16 ნოემბრამდე შესაბამისი განაცხადი უნდა წარადგინოს ტესტირება – ტურნირის ჩატარების ერთ-ერთ ცენტრში.

გისურვებთ წარმატებებს!

„...რა დამრჩება მე – პოეზია თუ ბიოგრაფია? დარჩება ორივე, თუ არც ერთი არ იქნება გამართლებული“

ნიკოლო მინიშვილი

ნიკოლო მინიშვილის არქივი „ჭკარისული პიიზაჟებით“

29 ოქტომბერს ლიტერატურის მუზეუმთან არსებულ გალერეა „ჰობიში“ „ცისფერყანელი“ პოეტის, მწერლის, პუბლიცისტის, საზოგადო მოღვაწის ნიკოლო მინიშვილის პირადი არქივის გამოფენა მოეწყო. რეპრესირებული მწერალი, ხალხის მტრის ბრალდებით დააპატიმრეს და 1937 წლის 13 ივლისს დახვრიტეს.

ნიკოლო მინიშვილი 1896 წლის 8 ნოემბერს იმერეთის სოფელ ჯვარისაში დაიბადა, მისი სახელი და შემოქმედება დიდი ხნის მანძილზე ტაბუდადებული იყო, რის გამოც, მას როგორც მწერალსა და საზოგადო მოღვაწეს, დღემდე ნაკლებად იცნობს ქართველი მკითხველი. მისი შემოქმედებიდან 1960-70-იან წლებში მხოლოდ ცენზურის საფუძველზე შერჩეული ნაწარმოებები იბეჭდებოდა. ნიკოლო მინიშვილი, ნიკოლოზ იოსების ძე სირბილას ფსევდონიმია. მისი პირველი ლექსები უფროსად „თეატრსა და ცხოვრებაში“ დაიბეჭდა. იყო მუსათა და ჯარისკაცთა გაზეთის „გოლოს სოლდატას“ რედაქტორი. თბილისში ჩამოსვლის შემდეგ გამოსცემდა გაზეთ „ფიგაროს“. 1922-25 წლებში ცხოვრობდა საფრანგეთში. აქტიურად მონაწილეობდა გაზეთ „ახალი საქართველოს“ დაარსებაში, პარიზში ჩამოაყალიბა „ქართველ ხელოვანთა კავშირი“. სამშობლოში დაბრუნების შემდეგ იყო ლიტფონდის დირექტორი. რედაქტორობდა უფროსად „ქართულ მწერლობას“, ხელმძღვანელობდა სახელგამს. ცხოვრების ბოლო წლებში იყო უფროსად „ზარია ვოსტოკას“ რედაქტორი, 1918 წლიდან „ცისფერყანელთა“ ორდენის აქტიური წევრი... ნიკოლო მინიშვილის დაუცხრომელ ენერჯისა და განსწავლულობას განცვიფრებაში მოჰყავდა თანამედროვენი. მიხეილ ჯავახიშვილს არაერთხელ ალუნიშნავს: „საიდან აქვს ამ ტანმორჩილ კაცს ამდენი ენერჯია, გამოცდილება და ცოდნა, ჩემთვის დღესაც გამოუცნობია“. ასეთი იყო ნიკოლო, რომლის პოეზია და ბიოგრაფია მრავალი წლის შემდეგაც საინტერესო და აქტუალურია.

გალერეა „ჰობიში“ გამართულ გამოფენაზე წარმოდგენილი იყო ნიკოლო მინიშვილის პირადი არქივი, რომელიც რეპრესირების წლებს სასწაულებრივად გადაურჩა. დამოუკიდებელ სასულიერო და პოეტურ ენაზე: მწერლის საოჯახო ალბომი, ნიკოლო მინიშვილისა და მისი მეუღლის, თამარ ბაგრატიონის ფოტოსურათები, მწერლის ქალიშვილი მარინა, მამა-შვილის – ილა-მას და ნიკოლო მინიშვილის ფოტო, მინიშვილების ოჯახური ფოტო, ნიკოლო მინიშვილის მშობლები: იოსებ სირბილას ძე, დედა – ანასტასია გოგლიჩიძე და დები, კოლეგებთან ერთად გადაღებული ფოტოები.

ახალგაზრდობის წლების ამსახველი, მეგობრებთან ერთად გადაღებული რამდენიმე ფოტო (სავარაუდოდ, ფოტოები გადაღებულია ქუთაისში); ნიკოლო მინიშვილის ბიუსტის ფოტო-ვერსია, (ბიუსტის შესრულებულია პარიზში, 1923-25 წლებში, ავტორი რუსუდან მდივანი); პარიზში გადაღებული ფოტოები. გამოფენაზე წარმოდგენილი იყო, „ქართულ მწერლობაში“ დაბეჭდილი ნიკოლო მინიშვილის წიგნები: „ფიქრები საქართველოზე“, „თებერვალი“, „წმინდანია“, „ქართული ქრონიკა რევოლუციის დროიდან“, „სამარადისო ზღაპარი“; პოემები, აზერბაიჯანულ ენაზე გამოცემული „თებერვალი“; ტიცინ ტაბიძის, ნიკოლო მინიშვილისადმი მიწერილი ღია ბარათი ქიბულეთიდან 1927 წელს; დავით კლდიაშვილის იუბილეზე გადაღებული ფოტო, მეგობრული შარყი – ნიკოლო მინიშვილის ჯვრისწერა სიონის ტაძარში; ღია ბარათი ცნობილი რუსი მწერლის, ოლგა ფორმის სურათით; მწერალთა სახლის ბაღში გადაღებული ფოტოები. ვასილ კოტკოვის (ცნობილი მხატვარი, ქუთაისის რეალური სასწავლებლის ხატვის მასწავლებელი) მიერ ფანქრით შესრულებული მიხეილ ჯავახიშვილის პორტრეტი, უცნობი ავტორის მიერ შესრულებული ნიკოლო მინიშვილის პორტრეტი (1934-37 წლები); ოფიციალური დოკუმენტები, მწერლის მხოლოდ ორი ხელნაწერი, ჩხრეკის აქტი და სხვ. გამოფენაზე ასევე წარმოდგენილი იყო: ბოლო პერიოდში, გამომცემლობების – „არტანუჯი“ და „ინტელექტი“ – მიერ გამოცემული ნიკოლო მინიშვილის ხუთი წიგნი, რომლებმაც თანამედროვე მკითხველს ფართო მასშტაბით გააცნო მწერალი.

გამოფენა ორი ნაწილისგან შედგებოდა: ნიკოლო მინიშვილის პირადი არქივი და მწერლის მშობლიური სოფლის, ჯვარისის პეიზაჟების ფოტო ვერსია. გამოფენაზე ილუსტრაციის სახით წარმოდგენილი „ჯვარისული პეიზაჟები“ ბუბა კუდავას მიერ, თანამედროვე პერიოდშია გადაღებული. ფოტოებს თან ერთვის მინაწერები ნიკოლო მინიშვილის ნაწარმოებებიდან.

უკვე 3 წელია, მწერლის მშობლიური სოფლის ჯვარისის საჯარო სკოლა ნიკოლო მინიშვილის სახელს ატარებს, სულ მალე ჯვარისის სკოლაში მწერლის სახელობის კაბინეტი გაიხსნება. „გალერეა“ ჰობიში წარმოდგენილი ექსპოზიცია სოფელ ჯვარისის საჯარო სკოლაში, ნიკოლო მინიშვილის კაბინეტში დაიდგმს ბინას.

ილაშა მინიშვილი, ნიკოლო მინიშვილის შვილი: მამა წარმოშობით იმერეთის ულამაზეს სოფელ ჯვარისიდან იყო. მისი სახელი წლების მანძილზე ტაბუდადებული იყო. რეაბილიტაციის შემდეგ, ნელ-ნელა იზრდებოდა საზოგადოების ინტერესი. ნიკოლო მინიშვილის შემოქმედებისა და ღვაწლის მიმართ. 80-იან წლებში სოფელ ჯვარისის მკვიდრთა გაუჩნდათ სურვილი (ინიციატორები – ჯვარისის სკოლის ყოფილი დირექტორი იური ჭარბაძე და ბატონი გივი გენაძე). სოფელ ჯვარისის სკოლისთვის მიენიჭებინათ ნიკოლო მინიშვილის სახელი. სამწუხაროდ, სხვადასხვა მიზეზთა გამო, მაშინ ეს სურვილი არ განხორციელდა, თუმცა ამით დასაბამი მიეცა საზოგადოებაში ნიკოლო მინიშვილის პიროვნებისადმი ინტერესის გაღვივებას.

2006 წელს, მამას დაბადებიდან 110 წლისთავთან დაკავშირებით გამომცემლობებმა – „არტანუჯი“ და „ინტელექტი“ – განიზრახეს მკითხველისათვის წარმოეჩინათ ნიკოლო მინიშვილის შემოქმედება. გამოიცა მწერლის ხუთი წიგნი: „ფიქრები საქართველოზე“, „სამარადისო ზღაპარი“, „წმინდანია“, „თებერვალი“, „ქრონიკები რევოლუციის დროიდან“. რასაკვირველია, ჩემთვის ნიკოლო მინიშვილის შემოქმედებაზე საუბარი ძალიან ძნელია, მაგრამ ფაქტია, რომ მრავალი წლის შემდეგ ნიკოლო მინიშვილის მიმართ ქართველმა საზოგადოებამ გარკვეული ინტერესი გამოიჩინა. შეიძლება ითქვას, რომ თუ 1956 წელს მოხდა ნიკოლო მინიშვილის ფორმალური, იურიდიული რეაბილიტაცია, მისი წიგნების გამოცემით მოხდა ნიკოლო მინიშვილის, როგორც მწერლისა და საზოგადო მოღვაწის, რეალური რეაბილიტაცია. სამი წლის წინ, სოფელ ჯვარისის საზოგადოების ინიციატივით, ჯვარისის საჯარო სკოლას ნიკოლო მინიშვილის სახელი მიენიჭა, შეიქმნა მწერლის კაბინეტი. სამწუხაროდ, მამას პირადი ნივთებიდან არაფერი შემოგვრჩა, იმ ავბედით წლებში ყველაფერი წაიღეს და გაანადგურეს... მაშინ არავის აინტერესებდა ნიკოლო მინიშვილის ნაწარმოები. გამოფენაზე შეგიძლიათ ნახოთ ჩხრეკის ოქმი, რომელიც მამას დაპატიმრების დღეს შეადგინეს, იქ არის ერთი ასეთი საინტერესო ჩანაწერი: „სხვადასხვა მიმონერა, 24 საქალაქდელ...“ ჩვენ მხოლოდ შეგვიძლია ვივარაუდოთ, რა იყო იმ საქალაქდელში. წლების მანძილზე ძალიან ბევრი ვეცადე მიმეკვლია ამ საქალაქდელისთვის, მაგრამ ამაოდ. მისი პირადი არქივი მხოლოდ და მხოლოდ ფოტომასალებით, საბუთებით, რამდენიმე ხელნაწერით, ნაწარმოებებით შემოიფარგლება. გამოფენაზე, ძირითადად, წარმოდგენილია 37 წლამდე გადაღებული ფოტოები, ბევრი მათგანი საზოგადოებისთვის უცნობია.

გამოფენის მეორე ნაწილში წარმოდგენილი სოფელ ჯვარისის პეიზაჟების ამსახველი ფოტოსურათები, რომელიც გადაღებულია ბუბა კუდავას მიერ, ჩემი აზრით, გარკვეულწილად, გამოძახილია ნიკოლო მინიშვილის შემოქმედებისა, რაც ნათლად ჩანს იმ ციტატებში (ამონარიდები ნიკოლო მინიშვილის ნაწარმოებებიდან), რომელიც სურათებს აქვს წამძღვარებული. დღევანდელი გამოფენით, მიზანშეწონილად ჩავთვალე, მამის პატივსაცემად, საზოგადოებისთვის მეჩვენებინა ის სამუზეუმო მასალა, რომელიც საბოლოოდ ჯვარისის სკოლის კედლებში დაიდგმს ბინას. სკოლაში ასეთი კაბინეტის მოწყობა მოსწავლეებს კიდევ უფრო დააფიქრებს მწერალზე და მის შემოქმედებაზე, სამშობლოსადმი სიყვარულს გაუღვივებს, სხვა კუთხით დაანახებს სოფელს, სახლს, შუკას... სამწუხაროდ, მშობლიურ სოფელ ჯვარისში მამისეული სახლი აღარ არსებობს, ეს ჩემთვის დიდი ტკივილია, თითქოს მოწყვეტილი ვარ წინაპართა ფესვებს.

გივი შამნაზარი, მწერალი: ნიკოლო მინიშვილის შესახებ უსასრულოდ შეიძლება საუბარი. ის იყო ბრწყინვალე გამომცემელი და წიგნის გამოცემის ტექნიკის იმეათი მცოდნე. ზრუნავდა იმისთვის, რომ ეროვნული საგამომცემლო საქმე აღორძინებულიყო. მან თავის გარშემო შემოიკრიბა ქართველი მწერლების, მეცნიერების, მხატვრების სახელოვანი თაობა. მისი ცხოვრება ბედნიერებასთან ნილნაყარი არ ყოფილა. როგორც ამ ქვეყნის შვილს ძალიან სტკიოდა საქართველოს ბედი. როცა რეაბილიტაციის პერიოდი დაიწყო ნიკოლო მინიშვილის ერთ-ერთი წიგნის გამომცემელი ვიყავი, ჩუმჩუმად ვეცნობო-



დით ყველა რეპრესირებულის შემოქმედებას, ვინახავდით და ვუფრთხილდებოდით მათ ნაწარმოებებს. ნიკოლოს ბიოგრაფია ძალზე სახეცვალებადია. მას ჰქონდა შესანიშნავი ორგანიზების ნიჭი, იყო საზოგადოებრივ ცხოვრებაში აქტიურად ჩართული. მისი ცხოვრება, ისე როგორც ყველა რეპრესირებული ადამიანის, ძალიან მიმიყვოდა. დადგა დრო, როცა შეიძლება ვახსენა, თავისუფლად ისაუბრო იმ ავბედით წლებზე, რომლებმაც, ვინ მოთვლის, რამდენი უდანაშაულო ადამიანის სიცოცხლე შეინირა. როცა „ფიქრები საქართველოზე“ დაიწერა, ამან იმდენად გააღიზიანა (კარგი გავიხსენებ) საზოგადოება, რომ დაიწყო ერთმანეთთან დაპირისპირებები, ეს არ იყო პირადული დაპირისპირება თუნდაც, გრიგოლ რობაქიძისა და ნიკოლო მინიშვილისა, ეს იყო ბრძოლა საქართველოსთვის. იმდროინდელმა საზოგადოებამ მშვენივრად იცოდა, რომ ნიკოლო მინიშვილს ის უკეთურიც კი რასაც ამბობდა ყველაზე მეტად სტკიოდა, მას სურდა მიძინებული ვითარება ოკიანურ ლეღვაში გადაეტანა. ამის ნათელი მაგალითია, რომ ნიკოლო მინიშვილი და მისი შემოქმედება, მრავალი წლის შემდეგაც, ყველა თაობისთვის შეტად საინტერესო და აქტუალურია.


ნინო ზალიშვილი, მხატვარი, ხელოვნებათმცოდნე: საქართველოში, 20-იანი წლების ბოლოს, აქტიურად დაიწყო ილუსტრირებული საბავშვო წიგნების გამოცემა, რომელშიც ჩაერთვნენ როგორც ცნობილი მხატვრები, ასევე თბილისის სამხატვრო აკადემიის ახალკურსდამთავრებულები, ვაკეთდა რამდენიმე მნიშვნელოვანი გამოცემა, რომლებიც ქართული გრაფიკის ოქროს ფონდშია დაცული. ერთ-ერთი ასეთი საინტერესო ილუსტრაციების ავტორი ცნობილი მხატვარი აპოლონ ქუთათელაძეა. მისი სახელი კარგადაა ცნობილი, როგორც აკადემიის რექტორის, ცნობილი ფერმწერის, პედაგოგის, მაგრამ მისი გრაფიკული შემოქმედება, სამწუხაროდ, დავიწყებულია. როდესაც მზადდებოდა აპოლონ ქუთათელაძის დაბადებიდან 100 წლისთავისადმი მიძღვნილი საღამო, მომეცა შესაძლებლობა, პირველად მენახა მის მიერ ილუსტრირებული ნიკოლო მინიშვილის წიგნი „სკოლა“, რომელიც ბიბლიოგრაფიულ იშვიათობას წარმოადგენს. დღევანდელ გამოფენაზე მოვიტანე ამ წიგნის ორიგინალები, რომელიც აპოლონ ქუთათელაძის შვილის, ტარიელ ქუთათელაძის ოჯახში ინახება. წიგნი თავისი კომპოზიციით, ილუსტრაციების ხარისხით, ძალიან საინტერესო და მნიშვნელოვანია. წიგნის იდეოლოგია სავსებით შეეფერება იმ დროს, ამავედროულად, არანაკლებია ვიდრე 20-30-იანი წლების სახელგანთქმული რუსული საბავშვო გრაფიკა. წიგნის შინაარსი ილუსტრაციების მიხედვით ბავშვი ხელმისაწვდომია. მასში ასახულია რევოლუციამდელი აზიური გიმნაზიაში, სადაც იყო სოციალური დაყოფა, ჩაგვრა... და „ბედნიერი“ საბჭოთა ბავშვები, რომლებიც ხალისით შეჰყურებენ მომავალს. როგორც ბატონმა ტარიელმა მითხრა, წიგნის ილუსტრირების დროს, ზოგიერთი ბავშვის ხატვისას, მამა მის პაბიტუსს იყენებდა. საერთოდ, მინიშვილების ოჯახი მხატვრების ყურადღებას იპყრობდა. აღსანიშნავია, პარიზში მცხოვრები ქართველი მხატვრის, მოქანდაკის, რუსუდან მდივანის მიერ შესრულებული ნიკოლო მინიშვილის ბიუსტი, ნიკოლო მინიშვილის მშვენიერი მეუღლის, თამარ ბაგრატიონის პორტრეტი, რომელიც ვახტანგ კოტეტიშვილმა (შემდგომში რეპრესირებული) შექმნა. ამ ნახატით, თავის დროზე, ღია ბარათიც კი იყო გამოსული, როგორც ნიმუში ქართული მშვენიერებისა. ასევე, გივი შამნაზარის და შალვა მყავაშვილის მიერ შექმნილი პორტრეტები. ამბობენ, ნიკოლო მინიშვილის პორტრეტი შექმნა რუსმა მხატვარმა ვერა ლუბედევა. აღსანიშნავია, რომ ნიკოლო მინიშვილის ბევრ ნაწარმოებს, რომელიც იმდროინდელ უფროს-გაზეთებში იბეჭდებოდა, ხშირად თან ახლდა ილუსტრაციები (ზოგი ავტორი უცნობია). ნიკოლო მინიშვილის შემოქმედებით ბევრი მხატვარი იყო დაინტერესებული. რაც შეეხება წიგნს „სკოლა“ კარგი იქნება თუ ეს ნაწარმოები ხელმეორედ გამოიცემა. ეს კიდევ ერთი საჩუქარი იქნება ქართველი საზოგადოებისთვის, ნიკოლო მინიშვილის და აპოლონ ქუთათელაძის სახელის უკვდავსაყოფად.

მამა ყიფინი



ჯვარისული პეიზაჟები

ნიგნის პრაქტიკა



30 ოქტომბერს, ილია ჭავჭავაძის სახელმწიფო უნივერსიტეტში, ქართული ლიტერატურის ახალი სახელმძღვანელოს პრეზენტაცია გაიმართა. სახელმძღვანელო 2009 წელს გამოცემულ „არტანუჯმა“ გამოსცა, ავტორია ილია ჭავჭავაძის სახელმწიფო უნივერსიტეტის პროფესორი **ბელა ნიფური**. ნიგნი განკუთვნილია საქართველოს სკოლების X კლასისთვის, რეკომენდებულია ეროვნული სასწავლო გეგმებისა და შეფასების ცენტრის მიერ და ნელს, სხვა რეკომენდებულ სახელმძღვანელოებთან ერთად, უკვე შევიდა საქართველოს სკოლებში.

პრეზენტაცია ჩატარდა სამეცნიერო სემინარის ფორმატში, შედარებით ლიტერატურის საღამოების მუდმივმოქმედი სამეცნიერო სემინარის ფარგლებში. სემინარზე ბელა ნიფური კომენტარს წარუდგინა კონცეფცია, რომლითაც შეიქმნა ქართული ლიტერატურის ეს სახელმძღვანელო და ნაკითხა მოხსენება – „ქართული მწერლობა, კოლონიური/პოსტკოლონიური რეალობა და ნაციონალური იდენტობა“.

მოხსენებაში განხილული იყო, თუ როგორ გამოიყენება ქართული ლიტერატურის ბოლო ორსაუკუნოვანი პერიოდში, კოლონიურ სინამდვილეში ქართული ლიტერატურის ნაციონალური მისია, როგორი თანმიმდევრობით განვითარდა კოლონიურ ფონზე ქართული მწერ-

ლობის და, შესაბამისად, მთელი ქართული კულტურის სივრცეში ნაციონალური იდენტურობის პროცესი და როგორ ჩამოყალიბდა, სახელმწიფოებრიობის არარსებობის პირობებში, ქართული იდენტობა, როგორც კულტურის მიერ მხარდაჭერილი მოვლენა. მოხსენების ავტორი შეეხო იმასაც, თუ რამდენად ატარებს დღევანდელი ქართული კულტურა კოლონიურ გამოცდილებას, რა ამოცანების წინაშე დგას უკანასკნელ ათწლეულებში, პოსტკოლონიურ პერიოდში ქართული მწერლობა.

მოხსენებაში აღნიშნული იყო, რომ ნაციონალური მიმართულება ახალი და უახლესი ქართული ლიტერატურის ერთ ძირითად ხაზს ქმნის, რომელიც გადაიკეთება საქართველოში დასავლური ლიტერატურული მიმდინარეობის ადაპტაციის ხაზთან – რომანტიზმიდან მოდერნიზმამდე და პოსტმოდერნიზმამდე. ამ უკანასკნელ მიმართულებას, კულტურული იდენტობის საკითხებს, ისევე, როგორც პიროვნული იდენტობის თემის დამუშავებას, საშუალო საფეხურის სახელმძღვანელოთა ციკლის შემდეგი ნიგნები – XI და XII კლასის სახელმძღვანელოები მიეძღვნება, რომლებიც, შესაბამისად, 2010 და 2011 წლებში გამოვა. კულტურული და პიროვნული იდენტობის სპექტრში იქნება წარმოდგენილი ძველი, ახალი და უახლესი მწერლობის ნიმუშები. სახელმძღვანელოები ქართული მწერლობის ყველაზე მნიშვნელოვან და აღიარებულ ტექსტებს აცნობს მოსწავლეებს, რათა მათი მსოფლმხედველობრივი და ესთეტიკური განვითარების პროცესი გამთლიანდეს საქართველოს ერთიან კულტურულ-მსოფლმხედველობრივ სივრცეში. სახელმძღვანელოები მიზნად ისახავს უმნიშვნელოვანესი ქართული ტექსტების ჩვენებას შესაბამის კულტურულ და ნაციონალურ კონტექსტებში, მათ განაალიზებას თანამედროვე ლიტერატურის მცოდნეობითი მიდგომების მეშვეობით.

X კლასის სახელმძღვანელო მთლიანად ეძღვნება ნაციონალური იდენტობის თემას, ქრონოლოგიურ-თემატური პრინციპით არის შედგენილი და ქართული ლიტერატურის შესაბამის მიმართულებას წარმოაჩენს. ნიგნის კონცეფცია ქართული მწერლობის ნაციონალური და საზოგადოებრივი მისიის, კოლონი-

ურ სინამდვილესთან დაპირისპირების და ქართული ნაციონალური იდენტობის შენარჩუნებისა და გაძლიერების ფუნქციის ჩვენებას ითვალისწინებს. ყველაზე ცნობილი ნაწარმოებები, რომელთაც განსაკუთრებული როლი შეასრულეს კოლონიურ საქართველოში ქართული ნაციონალური თავისთავადობის შენარჩუნების საქმეში, ნიგნში ერთად არის თავმოყრილი. სახელმძღვანელოს ავტორი მოსწავლეებს სთავაზობს მათ გააზრებას – ნიგნში წარმოდგენილი შეფასებების მეშვეობითაც და, რაც მთავარია, დამოუკიდებელი ანალიტიკური საქმიანობის გზით, რამაც მოსწავლეებს ტექსტებისთვის თანდართული კითხვებისა და რეკომენდაციების ბლოკი დაეხმარება. მასწავლებლებისადმი ავტორის ერთ-ერთი რჩევაა, საშუალო საფეხურზე საკლასო მუშაობა, უწინარესად, ჯგუფურ დისკუსიებს და მოსწავლეთა მიერ ინდივიდუალურად ან ჯგუფურად დამუშავებული თემების პრეზენტაციებს დაუთმონ. დისკუსიის საჭირო მიმართულებით წარმართვას მასწავლებელი და მოსწავლეები სწორედ ტექსტებისთვის დართული ანალიტიკური აპარატის გამოყენებით შეძლებენ.

სახელმძღვანელო ექვს თავად არის დაყოფილი და XIX-XX საუკუნეების საქართველოში ეროვნული და საზოგადოებრივი პრობლემების წარმოჩენის, კოლონიურ ვითარებისადმი კულტურული – ცნობიერი და ესთეტიკური წინააღმდეგობის სხვადასხვა ეტაპებს გვიჩვენებს. ქართველი რომანტიკოსების, საზოგადოებრივი, ქართველ მოდერნიზმისათაობის, XX საუკუნის მეორე ნახევრის ავტორების ნაწარმოებებს მოსწავლეები ნაციონალური და, ასევე, საკუთრივ მხატვრულ-ესთეტიკური რაკურსით განიხილავენ. ნიგნი შესაძლებლობას იძლევა, თითოეული ტექსტის სწავლება შესაბამის კონტექსტში მოხდეს და, მეორე მხრივ, ტექსტის ესთეტიკური ბუნებაც იქნას აღქმული, რამაც მოსწავლეებს ლიტერატურის მცოდნეობითი საკითხების ბლოკი დაეხმარება. სახელმძღვანელოთა მუშაობით, ტექსტებისა და ლიტერატურული პროცესების ანალიზის, მათზე დაფიქრების გზით მოსწავლეები შეძლებენ ეროვნული სასწავლო გეგმით განსაზღვრული ლიტერატურული ცოდნის მიღებას, ანალიტიკური უნარების გამოუმუშავებას, ქართულ მწერლობაში ნათლად გამოხატული ნაციონალური და მოქალაქეობრივი გავანდობის გაცნობიერებას.



მოსწავლე უმოკველი

სიძულვილით დახასიათებული საქართველო და ჩემი არბუმენტები მის წინააღმდეგ

ჯემალ ქარჩხაძის „რაპათ-ლუხუმი“ მიხედვით

ამ დიდებული მწერლის ნაწარმოებებს როდესაც ვკითხულობ, მებადება აზრი, რომ წარსულის ნაკვალევი მისთვის წარუშლელი, მნიშვნელოვანი და უაღრესად საამაყო ცდომილება, ასეთივე გრძნობა ალექსანდრე მკიტხველსაც. „იგიც“ ხომ კაცობრიობის დასაბამს გვაუწყებს, იმას, თუ როგორ ჩნდება ხელოვნების პირველი ნიმუში, განსხვავებულია ყველაფერს და, რაც მთავარია, სიყვარულის გამოვლინება (და არა დაბადება, რამეთუ სიყვარული ყველა ადამიანში ბუდობს, მთავარია, მისი გაღვივება, აღმოცენება და განვითარება...). ჩვენი წარსული ხომ ფუტყა აწმყოსა და მომავლისა. ამიტომაც, ჩემი აზრით, მწერალმა მიზნად დაისახა მოთხრობა „რაპათ-ლუხუმი“ შეეხსენებინა ქართველებისთვის, რომ წარსული (საამაყო ის თუ პირიქით) თითოეული ქართველის პირადი წარსულია. წინაპრების ავ-კარგი საქმეების ცოდნა ჩვენი ვალია, რათა შევძლოთ, ღალატისა და ერთგულების, სიყვარულისა და სიძულვილის ერთმანეთისგან გარჩევა. ჩვენი ყოველი ნაბიჯი ხომ ოდესღაც, თუნდაც საუკუნეების შემდეგ, მთამომავლობას ეცოდინება და ჩვენი არასწორი საქციელიც მათ ავნიჭებს....

მოხუცი სულეიმანი სტამბოლის გარეუბანში რაპათ-ლუხუმს ყიდის. მას მიაჩნია, რომ უსამართლოდაა დასჯილი. ის ხომ თურმე სახელმწი-

ფო საქმეებს უნდა წყვეტდეს და ისინი, რომელთაც რაპათ-ლუხუმის გაყიდვაშიც არ ვარგინ, სასახლეში სახელმწიფო საქმეებს მის ნაცვლად აგვარებენ. აქ იკვეთება ადამიანის ერთ-ერთი უდიდესი ცოდვა – ამპარტავნება. ამას ემატება მეორეც – სიძულვილი. თავისი მიზნების შეუსრულებლობას სულეიმანი ქართველთა აბრალებს. ამადაც მოთქვამს და ალაპს „გურჯების“ ამონყვეტას ეხვეწება: „ო, ბოროტებისა და უკეთურობის აკვანო! ცეცხლის ენები გადაბუგავს შენს სამყოფელს!“ – მისი სიტყვებით უცხო მოგზაური ინტერესდება, რომელიც რაპათ-ლუხუმს ყიდულობს, რათა მისგან საინტერესო ამბავი მოისმინოს. სულეიმანის ნაქები რაპათ-ლუხუმში მოგზაურისთვის ყველაზე უგემური აღმოჩნდა და იძულებით მიირთმევს, რათა ამბავი მოისმინოს. ცხოვრებაშიც ასეა: ცნობისმოყვარეობა ხშირად აჭარბებს სხვა სურვილს. ამ მიზნით შეპყრობილი, ვინ იცის, რას არ ჩავდივართ ხოლმე! მებადება კითხვა: რატომ ჩერდება მოხუცი თხრობის ყველაზე საინტერესო ადგილას: ნუთუ იმიტომ, რომ რაპათ-ლუხუმის ყიდვა აიძულოს ვაჭარს? თუმცა კი გაიძახის: – სიცოცხლე არად მიღირს მას მერე, რაც ჩემი აღზრდილის, ომან-ფაშას, საზარელი სიკვდილი ვიხილეო. – დააკვირდით, ვაჭრის მიერ მიცემულ ფულს როგორ ყურადღებით

ათვალიერებს და მხოლოდ მაშინ განაგრძობს საუბარს, როცა მიხვდება, მონეტა ყალბი არ არისო. მეორე კითხვა კი ასეთია: სარწმუნოა კი მოხუცის მოყოლილი ამბავი? თუმცა ისტორიულ ფაქტებს თუ გადავხედავთ, მიგვხვდება, რომ ყველაფერი მართალია. დიხს, მწერლის ფანტაზია კი შლის ამ ეპიზოდში ფრთებს, მაგრამ ყველაფერი ისე დამაჯერებელია, რომ სხვანაირად ვერც წარმოდგენია და მწამს, რომ სწორედ ასე განვითარდა მოვლენები.

ალი-მირზას მიერ დახასიათებული ქართველები ჩემთვის (და ყველა ქართველისთვის) მეტად მძიმე მოსასმენია. როდესაც შენ ერს, სისხლსა და ხორცს მინასთან ასწორებს ვინმე, მაშინვე გულში ტკივილი ისადგურებს. იმ ნუთას გებადება კითხვა: ვიმსახურებთ კი ასეთ შეფასებას? „ბუნებით ყველა გურჯი მოღალატეა... შურიანიები არიან... ერთი გურჯის გულში ორი სიყვარული ვერ ეტყევა. გურჯების უგუნურობა ყველაზე უკეთ მათ ამპარტავნობაში ჩანს. სხვის ლაშქარში უფრო მონდომებით იბრძვიან, ვინაიდან უცხოთა წინაშე თავის გაპირებას უყვართ“ – ამბობს სიძულვილით ალი-მირზა, რომელსაც სვიმონ-ხანზე გაბრაზებამ ქართველთა მოდგმა სამუდამოდ შეაძულა. სწორედ სიძულვილია ეშმაკის იარაღი, მისი გამარჯვება. იმის თქმა შემიძლია, რომ, საუბედუ-

როდ, ქართველებში ყოველთვის იყო ღალატი, შური და, ალი-მირზას თქმისა არ იყოს, თავის გამოჩენის სურვილი, ასევე გადაჭარბებული სიამაყე. დიხსაც! მედალს ორი მხარე აქვს. მხოლოდ კარგის დანახვა ხომ არასასარგებლოა. მაშინ კარგსა და ცუდს ვერასოდეს გავარჩევთ. ჩვენ კი უნდა შეგვეძლოს სწორად შეფასება და უნდა ვთქვათ დაუფარავად: ბევრი კარგი თვისებასთან ერთად ბევრი ცუდიც გავაჩნია. უბრალოდ, ამას მტერი ყოველთვის ჩვენზე ადრე ამჩნევს და „სუსტ ნერტილში“ გვარტყამს. საკუთარი „მე“-ს შეცნობა ხშირად მტრისგან გვიწყვეს. ალი-მირზამ ერთი „გურჯის“ გული კი ამოიცნო, მაგრამ ვერ მიხვდა, რომ უამრავი რამის სიყვარული ასულდგმულებს: სამშობლოსი, წინაპრების, სარწმუნოების და, რაც მთავარია, საკუთარი ღირსების გრძნობა აქვს მოჭარბებული. ამიტომაც იბრძვის და, იქნებ გზიდან კი გადაუხვიოს, მაგრამ საბოლოოდ მაინც გამოფხიზლდება. ამის დანახვა კი ბევრს არ შეუძლია, თუნდაც ქართველების კარგად „მაცნე“ ალი-მირზასაც კი.

ძალიან მწარე მოსასმენია: „როცა გურჯი მხრებს ასე არხევს და ათამაშებს, ეს იმის ნიშანია, რომ სინდისი სუთნა არა აქვსო“, – ე.ი. სადღაც ქენჯნა მაინც აწუხებს. ძალიან, ძალიან მაინტერესებს, თავის ერს რა უარყოფითს მოუტეხნიდა

სულეიმანი. მაგრამ მწერლის მიზანი ეს არ არის. მისი ამოცანაა, ჩვენ ავიხილოთ თვალი და კიდევ: ერთი რამ ნათელია, რომ საქართველო ხუთი ათასი წლისაა. თავისი ჭირ-ვარამით, სიკეთითა თუ ბოროტებით, ვაუკაცებთა თუ მოღალატეებით, დღემდე არსებობას განაგრძობს. შეინარჩუნა თავისი ენა, სარწმუნოება და ნაწილობრივ მამულიც. ის სიყვარული, ერთობა და ერთგულება კვლავ ღვივის ქართველთა გულში და მჯერა, მალე ერთ დიდ კოცონად დაინთება და დადნობს გაყინულ გულებს. იცისგან დარჩა ზუ. ხოლო ბრძენთა ქადაგებით, სამაის მონამის, თევდორე მღვდლისა და უამრავი სხვა ქართველის სამაგალითოდ დაერჩებით ჩვენ.

ბოლოს... მართალია სულეიმანი ქართველებს უსურვებს, რომ სისხლის მდინარეში დავიხრხოთ, ფერფლი და ნაცარი დარჩეს ჩვენი ქალაქებიდან და დაბებიდან, მაგრამ ჯერ ცოცხლები ვართ. მართალია, ქართული მიწა-წყალი ცრემლს და სისხლს წაუღიკავს დღესაც, მაგრამ მჯერა, ხუთა ფეხებზე მყარად და მინამი და არ წაიქცევა!..

და, რა თქმა უნდა: „კიდევაც დაიზრდებიან ალგეთს ლეკვები მგლისანი!“

ნათო პადრიძე
თბილისის №44 საჯარო სკოლის
XII კლასის მოსწავლე

თავისუფლებისთვის მებრძოლი პოეტი

“მიხას მოსვლაზე - მზე მოვა,
რომ ნავა - შავი ღრუბელი”.
ხალხური

სიცოცხლე სრულიად ახალგაზრდამ, 25 წლისამ დაასრულა. სიცოცხლე მთელი ღრუბელი იქცა. ლექსებს ანდობდა თავის განცდებს და ამიტომაც მისი ლექსები მის ცხოვრებასავით ვაჟკაციური და ომიანი. ლექსად მოსაუბრე, ვაჟკაც ფშაველთა შორისაც კი გამოირჩეოდა პოეტური ნიჭით და რაინდული სულით.

მიხა ხელაშვილი ზუსტად XX საუკუნის დასაწყისში დაიბადა, 1900 წელს, უკანა ფშავში, სოფელ ახადში. პატარაობისას, ხატობებსა თუ საფიქროზე, ლექსობასა თუ მახვილსიტყვაობაში გამართულ შეჯიბრებში მიხა თურმე საკუთარ ლექსებს ამღერებდა ფანდურზე, სალამურზე და განთქმულ ფშაველ მელექსეებსაც კი ტოლს არ უდებდა კაფიაობაში. ამას გარდა, იგი კარგი მოჭიდავე, შესანიშნავი ცხენოსანი და უებრო ჩუბინი ყოფილა.

დანეებითი განათლება თამარ მეფის სალოცავში მიუღია, ბერ ილარიონთან. შემდეგ მიხას მამას მარჩენალი ხარები გაუყვინძა და შვილი თბილისში წაუყვანია, ორწლიან საღვთისმამო სასწავლებელში. დედაქალაქში მიხას განსაკუთრებით კარგად შეუსწავლია ქართული და რუსული სალიტერატურო ნაწარმი. სასწავლებლის დამთავრებისთანავე იგი ხევსურეთში, ბარისახოში საყდრების მცველად და დიაკვნად გაუმწესებიათ, მერე კი ჩარგლის ეკლესიაში მღვდლად უკურთხებიათ.

მშობლიურ კუთხეში მიხა მთის მკვიდრთა ქართულ კლასიკურ მწერლობას აცნობდა, უფლის სიყვარულს უნერგავდა, თავის ლექსებს უკითხავდა. ხალხს ძალიან ჰყვარებია, მასზე ასე ამბობდნენ:

„მიხაი გვეყვის ველი, ფასი მთელ ფშავეთისაო,
ტანად კი დაბალაია, ხნით ოცდახუთი წლისაო,
გაუდრის ბატალიონსა, თუ მტრულად დახედებისაო“.

მიხას ფიზიკურ ძალაზე ფშავში დღესაც ლეგენდები დადის. ამბობენ, მკერდი მთავით ამობურცული ჰქონდა და ზურგზე კუნთების გროვა ედგაო. იმასაც ამბობენ, ცხენს კისრით შეუდგებოდა მუცელს ქვემოთ და მუთაქასავით ისროდაო.

შემდეგ საქართველოში ბოლშევიკების ზეობის შავნელი ხანა დადგა. „წითელმა ბოროტებამ“ მთასაც შეუტია და მთის ლალი ხალხის თავისუფლების ხელყოფა განიზრახა. მიხა კომუნისტურ რეჟიმს ვერ შეურიგდა. მან ეკლესია დატოვა და თავი ტყეს შეაფარა. ფშავში ამბობენ, მიხა ტყეში საყაჩაღად კი არა, იმიტომ გავიდა, რომ იმუამად ყველგან ფეხმოკიდებული ეშმაკული ცხოვრების წესი არ გაეზიარებინაო.

მიხას არსებობას ხელისუფლება ვერ ეგუებოდა, რადგან ხალხის თვალში ის გმირი იყო, თავისუფლებისთვის ბრძოლის სიმბოლო. მიხას მოსაკლავად ფშავში მილიციელთა და კომკავშირელთა რაზმები შეადგინეს, მაგრამ ალლოიანი, საზრიანი და მამაცი ხელაშვილი მოუხელთებელი შეიქნა.

მიხა ხელაშვილის დაჭერის მიზნით, კომკავშირელმა მილიციონერებმა წარმოადგინეს ცოფა ჩაიძინეს: ერთი სოფლიდან მეორეში მიმავალ მიხას დედას გზაზე დაუხვდნენ, ჯერ ხანჯლის ნეერებით დაჩხვლიტეს, მერე კი ტყვია დაახალეს და მოკლეს.

ამ საზარელმა ამბავმა ლექსად ათქმევინა მწარე სიტყვები მიხა ხელაშვილის:

„სინათლის სხივი გამიქრა,
ბნელით მაიცი მინაო,
სისხლით და ცოდვით აივსო
მხარეო არავისაო“.

გადმოცემის თანახმად, მიხა თავით ფეხებამდე იარაღში ჩამჯდარა, წელზე ყუმბარები შემოურტყამს და დედის დასატყვევებლად ისე მისულა. თუ მილიციონერები მის მოკვლას დააპირებდნენ, მიხასთან ერთად ისინიც აფეთქდებოდნენ. მიხამ სულ ორიოდ წუთი დააპყრო დედის ცხედართან, გამოეთხოვა მას და გაუჩინარდა.

მიხა ხელაშვილმა უდიდესი კეთილშობილება გამოიჩინა და დედის მკვლელებზე შური არ იძია, მიუხედავად იმისა, რომ ეს მისთვის იოლზე იოლი იქნებოდა. მიხას გმირის ღირსებისთვის უკადრისად მიაჩნდა საკუთარი კუთხის შვილის, თუნდაც მტრის მოკვდინება, ამის შემდეგ რაინდი პოეტის ავტორიტეტი ხალხის თვალში კიდევ უფრო გაიზარდა. ამიტომ მთავრობა ყველაფერს აკეთებდა მის მოსაკლავად. შეიქმნა საგანგებო რაზმი, დაახლოებით 60 კაცისაგან შემდგარი.

თურმე ერთ დღით რაზმის კომისარი მდინარესთან პირის დასაბანად გასულა. მოულოდნელად მის წინ მიხა აღმართულა და კომისარისთვის უთქვამს, ათასი კაციც რომ შეიყაროთ, თქვენ მე ვერ მომერევი, გამერიდეთ და მეც გაგერიდებითო. კომისარს იარაღისკენ წაუღია ხელი, მაგრამ მიხას დაუსწრა და იქვე მოუკლავს. შემდეგ რაზმის სადგომში შევარდნილა და 60-კაციანი რაზმის წინ პირისპირ დადგარა, სიტყვებით: აქა ვარ, მესროლეთო. 60 კაციდან თურმე ვერც ერთმა ვერ გაბედა თოფი მიეჭვირა ამ ლეგენდად ქცეული კაცისთვის, რომელსაც, ხალხის თქმით, ტყვია არ ეკარებოდა; მაშინ მიხა მათკენ ზურგით შებრუნებულა და უთქვამს, რაკი პირისპირ ვერ ბედავი, ზურგში მესროლეთ, როგორც ჯაბანთა წესიაო. რაზმელები კვლავ მიწისუხლებივით მდგარან. მიხამ ყველას იარაღი აპყარა თურმე და ლეღეში გადაუქანა.

შემდეგ მიხა ხელაშვილი ქაქუცა ჩოლოყაშვილის „შეფიცულთა რაზმს“ შეუერთდა და თან ახლდა ჩოლოყაშვილს საქართველოს თემში. მიხამ ბევრჯერ ისახელა თავი „შეფიცულთა რაზმში“ არაერთი გმირული საქციელით.

თურმე მიხა სულ თან დაატარებდა ტყავის აბგას, რომელშიც ქაღალდები და ფანქრები ეწყო. ხშირად მინდორზე წა-



მონებოდა და ლექსებს წერდა, რომლებსაც შემდეგ რაზმელებს უკითხავდა. რამდენიმე ლექსი ახლობლებისთვის გაუზავნია, ფანდურზე დასამღერებლად. მიხას გაგზავნილი ლექსები ხალხში სწრაფად ვრცელდებოდა და როგორც ჩანს, ხალხურ სიტყვიერებაშიც სწორედ აქედან შემორჩა.

ქაქუცა მიხას „კარის პოეტს“ უწოდებდა და ჰპირდებოდა, რომ გამარჯვების შემთხვევაში, კარგ განათლებას მიაღებინებდა. კარის კი არა, ველის პოეტი ვარო, - ხუმრობდა თურმე მიხას.

მიხა ხელაშვილი ქაქუცა ჩოლოყაშვილის რაზმს უცხოეთში არ გაჰყოლია. ასე უთქვამს, რაც უნდა მოხდეს, ჩემს სამშობლოს არ მივატოვებო, და თავი კვლავ ფშაველურეთის მთა-ტყისათვის შეუფარებია.

ფშავში სატრფო ჰყოლია მიხას, რომელთანაც შეილი შეეძინა, თამარი. მთავრობისაგან დევნილს მეუღლისთვის შეუთვლია, სახლს იქით მამულში გაიარე და იქ დაჯექი, ბაღი დურბინით უნდა ვნახოო.

თავისი ბედი მიხას კარგად ჰქონდა გაცნობიერებული და გრძნობდა, რომ მის სიცოცხლესაც საფრთხე ემუქრებოდა, მაგრამ ეამაყებოდა, რომ სიცოცხლეს სამშობლოს სწირავდა.



ეს კარგად ჩანს მისი დახვრეტილი მეგობრის დისადმი მიწერილ, 1924 წლით დათარიღებულ ბარათში:

„წუ იფიქრებ, რომ შენი ძმა მოკვდა და აღარ არის, მოკლეს და დაიკარგა. არა! ის არც მკვდარია და არც დაკარგული. ერთი კი არა, არამედ მრავალი ვაჟკაცი შეენირა თავის სამშობლო საქართველოს მსხვერპლად. მრავალ ვაჟკაცთა თავის ნებით გადღვეს თავი სამშობლოსათვის და სიცოცხლე მწარე სიკვდილს მისცეს პირში. განა ეს ამოდენა სამშობლოსათვის დახვრეტილი და დასჯილი ხალხი დაკარგულია? არა! იმათ სახელი მქუხარებს და ზეობს სამშობლოსათვის... აი, ამ გმირთა, ვაჟკაცთა ღირსება და სახელი ბერი ცოცხლის ღირსებასა და სახელს სჯობია. ისინი უკვდავნი არიან, საქართველოს არსებობამდის დაუფიცყარნი. აი, შენი ძმა კი ამ ვაჟკაცებში ითვლება, რომლებიც ცოცხლებს მკვდრები სჯობიან. ამისთვის არ უნდა იდარდო...“

გუმბინ შენი ძმა მოკლეს და ხელა ჩემსაც იგვეს გაიგონებ. ჩვენი გზა ერთია, ხოლო იმედი მაქვს ჩვენი დები არ დაგვივინყებენ და არც დაგვალონებენ თავისი კაქუნით, მტისმეტი დარდით“.

მიხა ხელაშვილმა თავისი აღსასრული ნათელმხილველივით იწინასწარმეტყველა:

„მე მამკლავს ძმისა მამკლავი,
იქნება სახელიანი?!
ჩამსხდარა ხევის ჭალასა
მთავრობა აგენტაინ“.

„აგენტაინმა მთავრობამ“ მიხას ძმადნაფიცი და კიდევ ერთი მისი მეგობარი მოისყიდა. მიხა ძმადნაფიცს სტუმრად ეწვია ჩარგალში. მასპინძელმა ხინკალი და პურის არაყი მიართვა, მერე კი ძმადნაფიცთა წესისამებრ, პირი გააპარსა. მიხას უთქვამს:

„გატყობ, ჩემი მოკვლა გაქვს დავალბული. ბარემ გამომისვი ეგ სამართებული, შენც მოისვენებ და მეც! არც დავინანებ, რალა ჩემი სიცოცხლე“.

ხინკლის ჭამის დროს მიხას სახეთქიანი ვაზნა მიუწოდებია ძმადნაფიცისთვის, - როცა ჩემს მოკვლას დააპირებ, ეს ტყვია დამეკარ, უცებ გამათავებსო.

დამთვრალი მიხა საბჭოში დააძინეს. მძინარეს ჯერ თოფის კონდახით გაუტყვეს თავი, მერე კი შუბლში ტყვია დაა-

ხალეს. მოკლულს მინაც არ აღირსეს. მილიციის რაზმელებმა ხელაშვილის ცხედარი დუშეთში ჩაიტანეს და მილიციის ეზოში დაადგეს ხალხის დასამინებლად.

მიხას დამ, სალომემ, ჯერ მკვლელობის ადგილიდან ძმის დანთხული ტვინი მოკრიბა, შემდეგ ერთი ხევსური მილიციელის ხელშეწყობით, მიხას ცხედარი მოიპარა, რომელიც ხალხის დასაზავრად ლამის ორი კვირის განმავლობაში მილიციის შენობის წინ ეგდო, ხურჯინით ცხენს აპკიდა, დღე მალვითა და ღამე მოგზაურობით ჩარგალში აიტანა და დედის საფლავის გვერდით დაკრძალა.

ეს 1925 წლის 25 იანვარს მოხდა. 25 წლის მიხა ხელაშვილი საფლავში იმ დღეს ჩავიდა, რა დღესაც ამ ქვეყანას მოევიწია.

მიხა ხელაშვილის ლექსებსაც მათი ავტორის ხვედრი ერგოთ. ხელისუფალთა შიშით, ბევრმა გაანადგურა ისინი, ბუხარში ჩანაცრა, კლდის ნაპრალებში გადაბალა. მიხას ლექსები ძირითადად მისმა დებმა გადაარჩინეს და შემდეგ მის ქალიშვილს გადასცეს.

არ შემიძლია, აქ თავიდან ბოლომდე არ მოვიტანო მიხა ხელაშვილის „ლექსო ამოგთქომ“, რომელიც ბევრს ხალხური ლექსი ჰგონია. ჩემი აზრით, ამ ლექსის ყოველი სიტყვა, ყოველი ტაეპი სრულად გამოხატავს ბრწყინვალე მელექსისა და დიდებული მამულიშვილის სულს:

ლექსო, ამოგთქომ, ოხერო, თორო იქნება ვკვდებოდე და შენ კი ჩემს სამახსოვროდ სააქაოზე რჩებოდე. გიმღერდენ ჩემებრ სწორები, ფანდურის ხმასა ჰყვებოდე, ქვეყანა მხიარულობდეს და მე საფლავში ვლპებოდე. ჩემო სახელო, ამქვეყნად დიდხანსამც იხსენებოდე, ჩემო ნათქმინო სიტყვანო, ნეტავი, გახქვეყნდებოდე, და ჩემო საფლავის კარო, შენამც კი აჰყვავდებოდე, გულო დარდითა, წყულო, ნეტავ, არ დაშავებოდე, სახლო, არ დაიშლებოდე, ცოლო, არ გასხთოვდებოდე! ნეტავინ, გულო კაცისავ, ძრიელ არ დალონდებოდე, ფიქრო, შენ არა მტანჯავდე, როდისაც ჩავგონდებოდე. სუყველას გაუხარდება, რომ უდროვოდა ვკვდებოდე? იქნება, იყოს მისთანა, რომ მას არ ვავინწყებოდე, ჩემზედ იტიროს მწარედა, ყოველთვის ვავონდებოდე, ბევრჯერ მიტიროს გულითა, მანამდის დავმინდებოდე?! ერთ ჩვეც უნდა ვიფიქრო, ჩემს სიკვდილს ვინ იტირებსა, ვინ ჩამაბნევს ცრემლებსა, საქმეს ვინ გაიჭირებსა? მე ამას ვამბობ და ფიქრიც უთუოდ მინანდვილებსა, დედის მეტს ჩემი სიკვდილი არავის აატირებსა. თუმც ნათესავნი, და-ძმანი, აღარ აისხმენ ღილებსა, ბოლოს კი დაგავინწყებუნი, ყველას სხვა დაათირებსა. თუმც ცოლიც კარგა მიტირებს, ქვეყანას გააკვირებსა, ცოტა ხნის შემდეგ იხიც კი სხვას ვისმე გაუცინებსა. მეზობლებიც მიტირებს, ძალად დაჰკრეჭენ კბილებსა, კიდევაც ვიტყვი, დედის გულს მე ვერვინ გამატირებსა, სუ იმის გულში ვიქნები, ძილსაც ვერ დაიძინებსა. და სხვას მე ვის რა მოეკითხო? სუყველა მოიხინებსა, მალე დაუსმენ თითებსა თავის ფანდურის სიმებსა. ვენაცვლე ძუძუთ გამზღვლესა, გულით ის დამიტირებსა! დედას ვუყვარვართ და დედა არ გვაგონდება შვილებსა, იმათა გვტანჯავს უფალი, ყოველთვის გვაცოდვილებსა.

1919 წელი. ბარისახო.

წითელმა დროებამ საქართველოს ბევრ ღირსეულ მამულიშვილს, მიხა ხელაშვილის დარად, უკულმა დაუტრიალა ბედის ბორბალი. დრო იცვლება, ხალხიც იცვლება და მთავრობებიც, მაგრამ არ იცვლება ისეთი ღირებულებები, როგორც თავი ცხოვრობდა და რომლებისთვისაც მოკვდა მიხა ხელაშვილი. ვფიქრობ, ყოველი ადამიანისათვის ღირსეულად ცხოვრება სწორედ ამგვარი ღირებულებების დაცვა და შენარჩუნებაა.

ხოლო ერის, ქვეყნის ღირსებაზე მსჯელობა იმის მიხედვითაც შეიძლება, თუ როგორ ეყვრობა იგი თავის გმირებს, მათ დანატოვარს.

მიხას ერთადერთი შვილი, თამარი, ოთხმოცდაათს მიტანებული მოხუცი, დღეს ეზოში ჩადგმულ ძველ ვაგონში, უკიდურეს სიდუხჭირეში ცხოვრობს და სათუთად უფრთხილდება დრო-ჟამისაგან გაყვითლებულ, გაცრეცილ ფურცლებზე დანეროლ მამის ლექსებს. მისი საცხოვრებელი სახლის კედლები ჩამოშლილია, სახლი დანგრევის პირასაა მისული...

საუბრაში ლიტერატურაზე

XIX საუკუნის დასასრულისა და XX საუკუნის დასაწყისის ლიტერატურულ მიმდინარეობათა ისტორიიდან

სიმბოლიზმი (წერილი II)



რუბრიკას უძღვება ილია ჭავჭავაძის სახელმწიფო უნივერსიტეტის პროფესორი ბელა ნიჭურიძე

სიმბოლიზმის ლიტერატურული მემკვიდრეობის აღსაქმელად წინასწარვე უნდა გავითვალისწინოთ და, თუ შესაძლებელია, გავითავისოთ სიმბოლიზმის შემოქმედების რამდენიმე ძირითად პრინციპს. ძალზე მნიშვნელოვანია, რომ მკითხველის შინაგანი გამოცდილება გარკვეულწილად მაინც თანხვედრად ავტორის სულიერ მდგომარეობას. წინააღმდეგ შემთხვევაში, ეს ლიტერატურა სავსებით უცხო და რჩება ჩვენთვის, რადგან სიმბოლიზმში, რეალისტურ მწერლობასთან შედარებით, კიდევ უფრო ძნელად მისაღწევია და იმავდროულად, აუცილებელი პირობაა ავტორისა და მკითხველის შინაგანი ერთიანობა, ინტელექტუალურ-ემოციური კავშირი. „ჩვენ, სიმბოლიზტები, არ ვარსებობთ, თუ არ არსებობს მსმენელი-სიმბოლისტი“, - აღნიშნავდა ვ. ივანოვი. ამგვარი მსმენელი კი თავადაც უნდა ცდილობდეს ავტორის სათქმელის გათავისებას, რადგან მწერლისა და მკითხველის ურთიერთკავშირი, ანუ მხატვრული კომუნიკაცია, მუდამ ორმხრივი პროცესია.

სიმბოლიზმის მსოფლმხედველობის საფუძვლები საძიებელია უაღრესად ღრმა სულიერი და გონებრივი კრიზისის სფეროში. მიზნულია, რომ ეს კრიზისი მზადდებოდა რამდენიმე საუკუნის განმავლობაში და უკიდურესი სახით გა-

მოვლიდნა XIX ს-ის მიწურულს: სიმბოლიზტურმა ლიტერატურამ კი ის მთელი სიმძაფრით ასახა. ამ ეპოქაში პიროვნებამ გააცნობიერა, რომ მის არსებაში დაირღვა სულის, სხეულისა და გონების ერთიანობა, რადგან დაიკარგა სულიერი საწყისის პრიორიტეტი, დაფუძნებული ღვთის რწმენაზე. „ფესვებ-მონყვეტილი, ხედრის მონა-მორჩილი, უძღური - გონებით სძლიოს თავისი უფიცობა და ვინროობა და უძღური - სხეულით სძლიოს თავისი ფიზიკური არსებობის წარმავლობა“, - ასე დაახასიათა არჩილ ჯორჯაძემ ამ ეპოქის ადამიანი.

სიმბოლიზმის მსოფლმხედველობა უშუალო შედეგია ურწმუნოების, ადამიანის გონისმიერი საწყისის აღზევებისა. გონების ქმედების უმთავრეს თვისებად კი ეჭვის გაჩენა მიიჩნევა. სიმბოლიზმში ეჭვი პიროვნების სულიერი დისპარმონიის საფუძველია: ეჭვი არის გამოხატულება ადამიანის შინაგანი სამყაროს წინააღმდეგობისა. მასში ერთდროულად იგულისხმება პიროვნების სულიერი უსასობაცა და გონების აქტიურობაც. რ. შპენგლერი ცალსახა მიმართებას ამყარებს ამ ორ საწყისს შორის და ამბობს: „ღმერთის არსებობაში დაეჭვება - ასეთია იმ ადამიანის ბედისწერა, რომელშიც ღრმა გონება სძლევს ღრმა სულს“. სიმბოლიზმშიც ნათლად არის გააზრებული, რომ მხოლოდ ძლიერ რწმენას მოაქვს პიროვნებისათვის სულიერი სიმშვიდე და ბედნიერება, რომელიც ეჭვის დათრგუნვით მიიღწევა. ეჭვის აღზევებასა და ღვთაებრივ საწყისთან ერთიანობის დაკარგვას კი, როგორც პაოლო იაშვილი იტყობდა, მოსდევს „გრივადი და კორიანტელი“ პოეტის სულში.

სიმბოლიზმის მსოფლმხედველობაში რამდენიმე ძირითადი პრობლემა გამოიკვეთა, რომლებიც შემდგომ მთელი მოდერნიზტული მწერლობის საკვანძო საკითხებად იქცა. აღსანიშნავია, რომ ეს არის არა საკუთრივ სიმბოლიზ-

მის მიერ მოძიებული პრობლემები, არამედ ის ძირითადი კითხვები, რომელსაც უტრიალებს ყველა ეპოქის ადამიანი. დავით გურამიშვილის ნათელი და სადა ფორმულირების მიხედვით ეს ზოგადადამიანური პრობლემები ასე განისაზღვრება: „ყმანვილი უნდა სწავლობდეს საცნობლად თავისადაო, ვინ არის, სი-დამ მოსულა, სად არის, ნავა სა-დაო?“ სწორედ საკუთარი თავის შეცნობა, გარესამყაროს წვდომა და სიკვდილ-სიცოცხლის საიდუმლოს ამოცნობა რჩება სიმბოლიზმის მსოფლმხედველობის ძირითად პრობლემად. ფაქტობრივად, ეს ის კითხვებია, რომელთა პასუხების მოძიების მიზნითაც იქმნება ყველა დროის რელიგიური მოძღვრებანი, ფილოსოფიური სისტემები, მხატვრული ლიტერატურა. ცხადია, ეს კითხვები უშუალოდ ღვთის რწმენის პრობლემიდან გამომდინარეობს და მათი ამოცნობა სწორედ სარწმუნოებრივ მიდგომას საჭიროებს. ქრისტიანული სარწმუნოება სავსებით ნათელ, ღვთიური ჭკუმიერებით აღსავსე პასუხებს იძლეოდა ამ მარადიულ კითხვებზე. ეს ცოდნა არ იყო მოპოვებული ადამიანური გონების მიერ და ღვთაებრივ გამოცხადებათა მადლით ეძლეოდა კაცობრიობას, მაგრამ უმთავრესი, რაც სჭირდებოდა პიროვნებას ამ ჭკუმიერების აღქმისათვის, სწორედ ის ღრმა რწმენა იყო, რომელიც დაკარგულად ითვლება სიმბოლიზტურ ლიტერატურაში. XIX ს-ის მეორე ნახევარში ევროპული ცნობიერება უკვე იმდენად რაციონალისტურია, რომ მხოლოდ ადამიანური შექმენების, მეცნიერების ძალით სურს ამოცნობა სამყაროს ყველა საიდუმლო, მაგრამ სიმბოლიზტურ მსოფლმხედველობაში მიჩნეულია, რომ „გონების გამუდმებული ანალიზი“ მხოლოდ შინაგან კონფლიქტს წარმოშობს პიროვნებაში და არ აძლევს მას ჭკუმიერებს ცოდნას. ამასთანავე, სწორედ გონება უხშობს მას სულიერ ძალებს და სარწმუნოებრივი გზითაც ვეღარ

მოიძიებს ჭკუმიერებას. „გონის-მიერი შექმენება და ცოდნა თრგუნავს ცნობიერებაში ყოველივე ადამიანურს, უპირველეს ყოვლისა, - გრძნობას“, - აცხადებს ანდრე ბელი: ამგვარ ადამიანს აღარ ძალუძს, აღიქვას სამყარო, როგორც მთლიანობა, რომელიც ერთ ზოგად ძალას ემორჩილება, შეიმეცნოს მისი ნესრიგი, რამდენადაც სიმბოლიზმში სამყარო შეუცნობადი ხდება. იგი მტრულ საწყისად ისახება და უმთავრესი გრძნობა, რომელსაც ადამიანი მის წინაშე განიცდის, არის შიში „მას ეუფლება შიში დასასრულისა. შიში სამყაროს, შიში დაბადებისა და შიში სიკვდილისა“ (ო. შპენგლერი). ამგვარ მტრულ, უცხო და აგრესიულ გარემოში შემოქმედი „სუსტია“, „ულონო“, მას არ შეუძლია შეიტანოს ნესრიგი ქაოსში. დაიცვას დისპარმონიისაგან გარესამყარო და საკუთარი სული. ამდენად, სიმბოლიზტურ ლიტერატურაში აისახება „უარყოფით განცდათა გამა“, რაც დეკადანსის სულიერი დაცემის განწყობილებას ქმნის, როცა შემოქმედისათვის გაუსაძლისი აღმოჩნდება სამყაროს წინააღმდეგობრიობა. იგი უარს აცხადებს მის აღქმაზე. რამდენადაც ხილული, მატერიალური სამყარო პოეტისათვის მოკლებულია ჭკუმიერებას, იგი ცდილობს საკუთარ სულიერ სამყაროში, ოცნებისა და წარმოსახვის საფუძვლზე, მოიძიოს დაკარგული ფასეულობანი, როგორც მოგვიანებით დაწერს გიორგი ლეონიძე. იგი „თავისივე შეთხზული უცნაური ოცნებით იფარავს თავს მხეცივით შემოტეულ სინამდვილისაგან“. სიმბოლიზტურ პოეზიაში ფიზიკური რეალობა უკან იხევს სუბიექტური რეალობის წინაშე. წარმოსახვა თავის ნებას უმორჩილებს პოეტის მზერას და რამდენადაც ცხადი გონებით, ცნობიერი, რაციონალური მიდგომით შეუძლებელი ხდება ჭკუმიერების ფლობა, სიმბოლიზმში ოცნებისა და წარმოსახვის უმაღლესი ფორმა - პოეტური შემოქმედება ცხადე-

ბა ერთადერთ გზად იდგება სამყაროს განჭვრეტისა. ამდენად, სიმბოლიზტური თხზულება არ არის მხოლოდ ლიტერატურა, ამ სიტყვის ჩვეული გაგებით. ეს არის, ერთი მხრივ, ადამიანისათვის დაფარული ჭკუმიერების წვდომის გზა, ხოლო მეორე მხრივ, ამ ჭკუმიერების გამოხატვისა და გამოთქმის საშუალება. ეს რთული, ორმხრივი პროცესი სახელდება „ლირიკა“, როგორც „სიმბოლიზაცია“. სიმბოლიზაციის ამგვარი გაგება შეიძლება იქცეს სიმბოლიზმის, როგორც მხატვრულ-მსოფლმხედველობრივი მოვლენის აღქმის წინაპირობად. რამდენადაც სიმბოლიზმი თავის თავში აერთიანებს საპირისპირო იმპულსებს, საპირისპირო განცდებს, განსხვავებულ სულიერ მისწრაფებებს შემოქმედისა, დეკადენტური განწყობილების საპირისპიროდ სიმბოლიზმი მოიცავს სულიერი აღორძინების მძლავრ პოტენციალსაც, რაც, ბუნებრივია, სულის აქტიურობასთან, რწმენის წინააღმდეგობასთან არის დაკავშირებული. შინაგანი დისპარმონიის რთული ეტაპის შემდეგ იგი კვლავ უბრუნდება რწმენას. რამდენადაც „რელიგია არის ერთადერთი გამოსავალი ამ სიციფიდან, რომელიც ეუფლება ცნობიერ ადამიანს“ (ა. ბელი) ღვთიურ საწყისთან მონანიე დაბრუნება ჭკუმიერებით რწმენის შუქით ასხივოსნებს სიმბოლიზტურ პოეზიას.

მიუხედავად ძიებათა რთული, წინააღმდეგობრივი პროცესისა, სიმბოლიზმში ქმნის ერთიან მსოფლმხედველობრივ სისტემას, რომლის შემოქმედებითი განსხვავებით სიმბოლიზტური ლიტერატურა მსოფლიო მწერლობის ერთ-ერთ უმნიშვნელოვანეს მოვლენად იქცა ლიტერატურისმცოდნეობაში. აღნიშნულია ისიც, რომ მიუხედავად XX ს-ის პოეზიის დიდი მიღწევებისა, პოეტური შემოქმედება დღემდე უკრძნობა იმ პრინციპებს, რომლებიც სიმბოლიზმის მიერ იქნა განსაზღვრული.

სიმბოლიზტური პოეზია

ჟიულ ლაფორტი

სამგლოვიარო მარში მინის გარდაცვალებაზე შეტყობინება (ფრაგმენტები)

ოქროქიანი ვარსკვლავების კორტეჟი ცაზე: ლალის ტვირთები დაიგრაგნენ შორი ხმაურით. თქვენ, მნათობებო! მგლოვიარე ხოროთა ხმაზე გაყინულ მინას მოველინეთ ოქროს ტრაურით!

მინა მკვდარია და შესრულდნენ ყველა დროები. შენ უკანასკნელ დაიკენე ავი ხროტინით. შევ სიჩუმეში, რომ გელოდა გილიოტინით, შენ როგორც ბუმი დასცურავხარ განმარტობით. ყველგან ზღვა არის მოჩვენებით თუ სინამდვილით. დაეხეტები, როგორც კუბო და ძორი შავი, მაგრამ წარსული მოიგონე - პოემა ავი, არა, იძინე აღსასრულის მარადი ძილით!

სიკვდილი მოდის? დაივიწყე რაც იყო წინათ. ის საშინელის ტრაგედია იყო - კომმარი. მხოლოდ კუბოა უგზო-უკვლო დღეს შენი შარი, უხსოვარ ბნელში ის უცნობი არის რუინა. შენ არ ყოფილხარ! შენ იყავი მხოლოდ ჩვენება!

აქ აღარ არის მონაწილე და მამყურებელი. არის სიშავე, დრო, სიჩუმე, როგორც მხლებელი. შენი ბედა აღსასრული და განსვენება! ოქროქიანი ვარსკვლავების კორტეჟი ცაზე: ლალის ტვირთები დაიგრაგნენ შორი ხმაურით. თქვენ, მნათობებო! მგლოვიარე ხოროთა ხმაზე გაყინულ მინას მოველინეთ ოქროს ტრაურით!

ლოცვა

ღმერთო, მაპატიე უმიზნო ცხოვრება! ღმერთო, მაპატიე პოეტობის სურვილი. დღეს ჩემი ოცნება შენ გემათხოვრება, სუსხიან, უცრემლო ქვითინით დაბურვილი. უფიც და უბედურს მე დიდხანს მეგონა - საჭიროა დიდება, ბრწყინვალე სახელი. ახლა ჩემი სული ლოცვას ჩაეკონა, მფარველ ანგელოსის მომესმა ძახილი. შენ, სულო, ღმერთისკენ მუდამ მიდიოდი, ქვეყანა ცოდვიანი, უცნობი, გაშინებს. შესცქერი მსოფლიოს, როგორც იდიოტი, ირიბი სამყარო მთლად გადაამაშენებს. თუ ვერ მოვახერხე, მაინც ხომ მწყუროდა, მაინც ხომ მიწოდდა ქრისტეს სიყვარული, მაგრამ მანვალედა სარკის ფულუროდან ვინრო ყელსახვევით აჩრდილი ფარული. თუმცა მე პოეტად თავი გავასაღე,

თუმცა გამოკვეთე თრთოლვა იქითური არ იყო ჩემს ყოფაში სიმართლის ნასახი, მეხალისებოდა ცხოვრება ბითური. ვიყავი უკმეხი, როგორც რადივილი, და ახლა ვათავებ ისევ მონანიებით - მიიღე, უფალო, ჩემი მოცივის ტყვილი, გამაბედნიერე შენივე ზმანებით.

სტეფან მალარმე

გედი

მუდამ ბრწყინვალე, მედიდური და მოთარეშე, ნუთუ შენ ახლა ვერ დაამსხვრე ფრთის გაბრაზებით ტბას ყოფილს, სადაც იქარგება თოვლის ხაზებით სპეტაკი ყინვა - უზუნაეს ფრენის გარეშე. შენ წარსულ დღეებს, სეფდის გედო, ეძვირფასები, ებრძვი უდაბნოს განათებულ სიმუნხარეში. შენ ვეღარ ცხოვრობ გამოგონილ უცხო მხარეში, და აი, ბრწყინავს თვით ზამთარი თეთრ დარბაზებით. რომ გადალახავ მკვდარ სივრცეებს, ტყვილად გგონია, ეალერსება შენს თეთრ კისერს თვით აგონია, შენ ფრთებითა ხარ მიჯაჭვული ლალი, გვიანი. შენი ჩვენება ამ წყვილიაში კრთის - დარდიანი; მარტობაში დაგამშვენებს მეფური ძილი, და სიამაყით იმოსება შენი აჩრდილი.

თარგმანი ვალერიან გაფრინდაშვილისა

ბულინგი – BULLYING



რუბრიკას უძღვება საზოგადოებრივი ჯანდაცვისა და მედიცინის განვითარების ფონდის ფსიქოლოგი ქეთევან თავაძე

რა არის ბულინგი?

ბულინგი არის ფიზიკური და/ან ფსიქოლოგიური ტერორი, რომელიც ხორციელდება ბავშვის მიმართ თანაკლასელთა ან სხვა ბავშვების ჯგუფის მიერ, მისი დაშინებისა და დამორჩილების მიზნით. ბულინგი გვხვდება როგორც გოგონებში, ასევე ვაჟებში და განსაკუთრებით მძაფრად ვლინდება 9-10 წლის ასაკიდან.

რამდენად სერიოზულია პრობლემა?

ბულინგი სერიოზული პრობლემაა სასკოლო ასაკის ბავშვებისთვის, რომლის დასაძლევად ისინი უფროსებისაგან ვერ იღებენ სათანადო დახმარებას.

სტატისტიკური მონაცემები

საერთაშორისო კვლევებით მიღებულია შემამფრთხილებელი მონაცემები: ნორვეგიის სკოლებში ჩატარებული კვლევის თანახმად, ბავშვების 15% ჩართული იყო ბულინგში. აშშ-ს სკოლებში მე-5 კლასელთა კვლევამ აჩვენა, რომ მათი 18% რეგულარულად არის ბულინგის მსხვერპლი. თითქმის ყველა ბავშვს აქვს გამოცდილი ბულინგის შემთხვევა. დიდი ბრიტანეთის მონაცემებით (DELFI), ბოლო 5 წლის განმავლობაში, ბულინგის მსხვერპლი იყო ყოველი მეხუთე ბავშვი. აშშ-ს უსაფრთხოების სამსახურის მიერ ჩატარებული კვლევის მიხედვით (2000), სკოლებში სროლების 2/3 წარმოადგენს ბულინგის მსხვერპლთა შურობიერებას.

საშუალო სკოლებში გვხვდებით მოსწავლეებს, რომლებიც განეკუთვნებიან ე.წ. „მაღალი რისკის“ კატეგორიას. ეს ახალგაზრდები ხასიათდებიან გამოხატული აგრესიულობით, იმპულსური ქცევებით და მძიმე ტვირთად აწევენ მასწავლებლებსა და თანაკლასელებს. „მაღალი რისკის“ ჯგუფის ძირითადი მახასიათებლებია:

- აგრესიული ქცევა თანაკლასელებთან;
- გამომწვევი და თავხედური ქცევა უფროსებთან და თანაკლასელებთან;
- სპონტანური, დაუფიქრებელი რეაგირება მოვლენაზე ან სიტუაციაზე;
- ყურადღების მიქცევის დაუოკებელი სურვილი;
- დანაშაულის გრძობის სუსტი განცდა;
- სხვებთან ურთიერთობაში ეგოისტური ვერბალური დამოკიდებულება, რაც გამოიხატება სხვისთვის საუბრის განწყვეტებაში, საკუთარი აზრების წამოყვრებასა და ისეთ თემებზე საუბრის წამოწყებაში, რაც არ ეხება საუბრის თემას.

ბულინგი ბულისმომუს ისეთი ძველებს, როგორცაა:

- მეტსახელების შერქმევა;
- დაცინვა;

- მუქარა;
- ხელისკვრა;
- ჯგუფიდან გარიყვა;
- სხვა ბავშვის შესახებ დამამცირებელი, უცენზურო წარწერების გაკეთება;
- ნივთების ან ფორმის წართმევა;
- იგნორირება;
- მუშტებით ან ფეხებით ცემა;
- ცილისწამება.

სად ხდება ბულინგი?

ბულინგი შეიძლება სხვადასხვა ადგილებში მოხდეს. ძალიან ხშირად ბულინგი ხდება სკოლაში ან სკოლასთან ახლოს:

- კლასში;
- სკოლის გზაზე;
- დერეფანში;
- ტუალეტში;
- სასადილოში;
- სპორტულ მოედანზე და ა.შ.

პირდაპირი და ირიბი ბულინგი

პირდაპირია ბულინგი, როცა თანაკლასელები ბავშვს ღიად აყენებენ შეურაცხყოფას, თავს ესხმიან, ხელს კრავენ, დასცინიან და ა.შ.

ირიბი ბულინგი გულისხმობს ისეთ ქცევას, როცა ბავშვს ტკივილს აყენებენ უშუალო აგრესიის გამოყენების გარეშე. მაგალითად, არ ელაპარაკებიან, არ აძლევენ საერთო საქმიანობაში ჩართვის საშუალებას და სხვ.

რა უწყობს ხელს ბულინგის გავრცელებას?

ბავშვთა და მოზარდთა შორის ბულინგის გავრცელებასა და დამკვიდრებას ხელს უწყობს ამ მოვლენის მიმართ როგორც უფროსებში, ასევე ბავშვებში ჩამოყალიბებული არასწორი დამოკიდებულება, მცდარი შეხედულებები.

ხშირად შეიძლება გავიგონოთ, რომ თანაკლასელები მიმართ ბავშვთა აგრესიულობა მოზრდილად ქცევის ბუნებრივი პროცესის გამოხატულებაა. მოზრდილთა საზოგადოებაშიც ხომ არიან წარმმართველები და მორჩილები. ამიტომაც ვიღაცამ ვიღაცაზე აუცილებლად უნდა მოახდინოს ზეწოლა. ბავშვები ხედავენ ამას უფროსების ქცევებში და ამ ქცევების კოპირებას ახდენენ. ამასთან, მოზრდილთაგან განსხვავებით, თავიანთი გრძობების დე-

მონსტრირებას უფრო ღიად და გულუბრყვილოდ ახდენენ. იქნებ სწორედ ამიტომ, აგრესიულ ბავშვებს რბილად „ჩხუბისთავებს“ უწოდებენ, ავინყდებათ, რომ შეიძლება მათ ზოგჯერ გამოუსწორებელი ზიანი მიაყენონ თავიანთი მსხვერპლის ფიზიკურ და/ან ფსიქიკურ ჯანმრთელობას.

მცდარი შეხედულებები:

- ბულინგი ნორმალური მოვლენაა. მას ყოველთვის ჰქონდა და ექნება ადგილი;
- ყოველ ბავშვს უნდა შეეძლოს თავის დაცვა. ამიტომ ბულინგი გარკვეული დროით საჭიროც კია ბავშვის გაძლიერებისათვის;
- ბულინგის შესახებ ვინმესთვის თქმა დასმენა, ენის მიტანა და ბავშვური საქციელია;
- ბულინგი ეხება ბავშვების მხოლოდ მცირე რაოდენობას;
- ბულინგის შემთხვევების უმეტესი ნაწილი ხდება არა სკოლაში, არამედ სკოლის გარეთ;
- დახმარება ესაჭიროება ბულინგის მსხვერპლს, აგრესორი კი, უბრალოდ, უნდა დაისჯოს.

როგორია ბულინგის შედეგები?

ძალადობრივი მსხვერპლი შეიძლება ხანგრძლივი დროის განმავლობაში განიცდიდეს შიშს, შფოთვის, თავს დამცირებულად ან დათრგუნულად გრძობდეს. ასეთი ბავშვები თავს არიდევენ სკოლაში ჩატარებულ ღონისძიებებში მონაწილეობას, კარგავენ მეგობრებს თანაკლასელთა შორის.

რეგ შემთხვევებში ბულინგი სერიოზული ფიზიკური ტრავმებით ან ლეტალურადაც მთავრდება.

ბულინგში ჩართული ბავშვები ხშირად აგრესიის გამოვლენის კრიმინალურ ფორმებს მიმართავენ.

ბულინგის ინიციატორი ბავშვები თავიანთი აგრესიულობის დემონსტრირებას მოზრდილობის ასაკშიც აგრძელებენ და ხშირად ცხოვრების კრიმინალურ გზას ირჩევენ.

ფსიქიკური ტრავმა შეიძლება იმ ბავშვებმაც მიიღონ, რომლებიც ძალადობის უშუალო მსხვერპლი არ არიან, მაგრამ არიან ტერორის ფაქტის შემსწრენი. „დღეს ეს სკოლაში მას დაემართა, ხომ შეიძლება, რომ ხვალ მე შემემთხვეს? ესე იგი, სკოლა ის ადგილია, სადაც თავს

უსაფრთხოდ ვერ იგრძნობ“ – ასეთია „დამკვირვებელ-ბავშვთა“ დასკვნა. ასეთ ბავშვებს ეშინიათ, თვითონაც არ გახდნენ აგრესორის მსხვერპლი.

ბულინგის შედეგად მიღებულმა ძლიერმა ემოციურმა ტრავმამ შეიძლება ბავშვი სუიციდამდე მიიყვანოს.

პოტენციური მსხვერპლი თუ აგრესორი?

უნდა აღინიშნოს, რომ ნებისმიერი ბავშვი შეიძლება იყოს როგორც ბულინგის მსხვერპლი, ისე მისი ინიციატორი. ძალიან ძნელია იმის დადგენა, თუ რომელ ბანაკში აღმოჩნდება კონკრეტული ბავშვი. მიუხედავად ამისა, ფსიქოლოგები გამოყოფენ მსხვერპლისა და აგრესორის ხასიათის ზოგიერთ ტიპიურ თვისებასა და ქცევის სტილს.

ბულინგის მსხვერპლი ბავშვი

ბავშვი-მსხვერპლი ცდილობს იყოს თანაკლასელებთან შედარებით უფრო შეუმჩნეველი, პატარა და სუსტი. საფრთხის გაჩენის შემთხვევაში ის მაშინვე ფრთხობა, ტირის, საცოდავად და უბედურად გამოიყურება. ბავშვი-მსხვერპლი უმეტეს დროს (მათ შორის შესვენებებზე) საკლასო ოთახში ატარებს, ბავშვების ხმაურთან თავი იკავებს და ურბის. ასეთ ბავშვს შეიძლება გაუჩნდეს სამედიცინო ჩივილებიც: მოუსვენარი ძილი, თავის ან მუცლის ტკივილი, უმადობა, ენურეზი (შარდის შეუკავებლობა).

- ბავშვი-მსხვერპლი შეიძლება სხვათაგან განსხვავდებოდეს და იყოს სხვებზე უფრო:
- დაბალი;
- მალალი;
- წყნარი, შენელებული;
- ჭკვიანი;
- ლარიბი;
- მდიდარი;
- მსუქანი და ა.შ.

ბავშვ-მსხვერპლს, ძირითადად, ახასიათებს:

- შფოთვა, სხვადასხვა სოციალურ სიტუაციებში უსაფრთხოების განცდის არარსებობა;
- თვითმკვლელობაზე ფიქრი;
- დასწავლილი უმწიბობა; „მსხვერპლის“; „დამარცხებულის“ როლის მიღება;
- სასკოლო სიძნელები – სწავ-

ლაში მიღწევების გაუარესება, გაკვეთილების გაცდენა;

- დასწავლილი აგრესიული ქცევა.

ბულინგის ინიციატორი (აგრესორი) ბავშვი

როგორც წესი, ბავშვ-აგრესორებს მაღალი თვითშეფასება აქვთ და თავიანთ გარემოში სოციალური უპირატესობის მოპოვებას ცდილობენ. ზოგჯერ ისინი ჩაკეტილები და ნაკლებკონტაქტურები ხდებიან, მაგრამ, ამასთან, პერიოდულად ავლენენ არამოტივირებულ რისხვას. ბავშვი-აგრესორი მუდმივად ცდილობს უფროსად და ძლიერად გამოიყურებოდეს, ხშირად ეუხეშება მასწავლებლებს, მშობლებს, საკუთარ და-ძმას. ურთიერთობებში, თამაშებში აღიარებს მხოლოდ ძალას, სისასტიკეს და ამის დემონსტრირებასაც ახდენს. ნებისმიერი კონფლიქტის გადასაჭრელად უპირატესობას ძალისმიერ გზას ანიჭებს.

ბავშვ-აგრესორს, ძირითადად, ახასიათებს:

- ჭარბი ენერჯია;
- მჭევრმეტყველება;
- საკუთარ თავზე კარგი წარმოდგენა;
- სხვებზე ზეგავლენის მოხდენის და სხვა ადამიანების გამოყენების უნარი;
- საჩვენებელი პოპულარობა – სინამდვილეში მას ეს არ მოსწონს;
- ძალაუფლების, მბრძანებლობის დიდი სურვილი;
- შიში იმისა, რომ თვითონ არ დაამცირონ.

რატომ ავლენს ბავშვი თანაკლასელების მიმართ აგრესიას:

- სურს მიიქციოს ყურადღება;
- საკუთარ თავზე გადაჭარბებულად კარგი ან ცუდი წარმოდგენა აქვს;
- არ შეუძლია მეგობრობა;
- არ აქვს დანაშაულის გრძობა და სხვისი განცდების გაგების უნარი;
- ის, უბრალოდ, მოწყენილია.

პრობლემის მოგვარება

აქტიური ჩარევით მოზრდილებს (მასწავლებლებს, მშობლებს) შეუძლიათ პოზიტიური ზეგავლენა მოახდინონ ბულინგის პრობლემის მოგვარებაზე.

მოზრდილის როლი ბულინგის პრობლემის გადაჭრაში

გავრცელებული სიძნელები: მოზრდილებს უჭირთ ბულინგის ამოცნობა. ისინი ხშირად ერთმანეთისგან ვერ ანსხვავებენ ბულინგს თამაშით ჩხუბისა (ძიგილაობა) და ნორმალური კონფლიქტებისაგან (უთანხმოება მეგობართა შორის). ხშირად მოზრდილები წამდელი აგრესიას თამაშად მიიჩნევენ;

მოზრდილებს მცდარი შეხედულებები აქვთ. ისინი ბულინგს ბავშვის განვითარების ბუნებრივ, არასაგანგაშო გამოვლინებად მიიჩნევენ („გაიზრდება და აღარ გააკეთებს“, „ბიჭები მაინც ბიჭები არიან“, „უბრალოდ, ყურადღებას ნუ მიექცევ“ და სხვ.);

მოზრდილთათვის ბულინგი ხშირად დაფარულია. როგორც წესი, ბავშვები არ ატყობინებენ მოზრდილებს ბულინგის შემთხვევების შესახებ;

მოზრდილებმა არ იციან, როგორ უპასუხოთ ბულინგს.

დაზარალებული ბავშვის დახმარება ის. შემდეგ ნომერში



გოეთეს საუბრები ეკერმანთან



1823 წლის 10 ივნისს, 31 წლის პოეტი იოჰან ვიტიკი ეკერმანი პირველად ესტუმრა ვაიბარელ ბრემსს, 74 წლის იოჰან ვოლფგანგ გოეთეს.

...ეკერმანი ერთგულ მთავრად მოეპყრონა მას და ამ პატივითავე შემთხვევაში კაცობრიობას შემოუწახა სიზრძნის მთელი წიგნი. თუ გოეთეს მართლა ფორტუნა სწყალობდა, ამის ერთ-ერთი გამოხატულებაა ეს შეხვედრა ეკერმანთან, რომელმაც მისი სიყვარული და ნდობა დაიმსახურა, სიცოცხლეში თანამოსაუბრედ და მრჩეველად ჰყავდა, გარდაცვალების წინ კი თხზულებათა რედაქტირება-გამოცემის რთული საქმი მიანდო.

...„გოეთეს საუბრები ეკერმანთან მისი სიცოცხლის გოლო წლებში“, ან, როგორც ზოგ გამოცემაში უწოდებენ, „ეკერმანის საუბრები გოეთესთან“, იმ პატივითავე წიგნითა რიცხვს ეკუთვნის რომელთა შიგნით იშვიათად ხდება. ...საუბრებში ხომ აღამიანი უფრო უზუსტოდ და გუნებრივად გამოხატავს თავის მოსაზრებებს.

...„საუბრების“ მთავარი ღირსება არის გოეთეს უზუსტო, გულწრფელი მოსაზრებების სიუსხვე – ლიტერატურაზე, პოლიტიკაზე, ხელოვნებაზე, გამოჩენილ ადამიანებზე, ისტორიულ მოვლენებზე (შესაბამის წერილიდან).

გთავაზობთ ამონარიდებს წიგნიდან „გოეთეს საუბრები ეკერმანთან“.



ხუთშაბათი, 2 იანვარი, 1824
სუფრა გოეთესთან, ცაცხოველებული საუბარი.

სუფრა რომ აიშალა და სტუმრები წავიდნამოვიდნენ, მე და გოეთე კიდევ კარგა ხანს დავრჩით და ბევრ რამეზე ვისაუბრეთ. მე საუბარი ისევ შექსპირზე ჩამოვადე:

შექსპირი რომ ინგლისური სინამდვილიდან მოგვეწყვიტა და განგვეხილა, როგორც მხოლოდ გერმანული მოვლენა, ისე დაგვრჩებოდა, რომ ამ ბუმბერაზის სინამდვილე რაღაც სასწაულად ჩაგვეთვალა. მაგრამ თუ ისევ თავის მშობლიურ ინგლისში დავსვამთ, თავისი საუკუნის ატმოსფეროში, სადაც ცხოვრობდა, შევისწავლით მის წინამორბედებსა და მემკვიდრეებს, უკვე იწყებს სუნთქვას ის ძალა, რომელიც მომდინარეობს ბენ ჯონსონიდან, მესინჯერიდან, მარლოდან, ბომონტიდან და ფლეტჩერიდან; მაშინ შექსპირი თუმცა ისევ ისეთ ბუმბერაზად რჩება, მაგრამ მისი სულის ზოგიერთი დიადი მხარე თვალწინ ნათლად წარმოგვიდგება, რადგან მისი ნამოქმედარიდან ბევრი რამ უკვე დაჰქროდა მისი დროის ნაყოფიერ ატმოსფეროში.

სავსებით მართალი ხართ, – მიპასუხა გოეთემ, – შექსპირის საქმე ისეა, როგორც შვეიცარიის მთებისა. გადაიტანეთ მონბლანი ლუნებურგის უნაპირო ველზე, და თქვენ სიტყვებს ვერ იპოვით მისი სიდიადის გამოსახატავად. მაგრამ ინახულეთ თავის ბუმბერაზთა სამეფოში, მიუახლოვდით თავის დიდი მეზობლების გვერდით აღმართულს, სადაცაა იუნგერაუ, ფინსტერარპორნი, აიგერი, ვეტერპორნი, გოტჰარდი და მონტე როზა – მონბლანი აქაც ბუმბერაზად რჩება, მაგრამ ისეთ ალტაიტებსა კი აღარ იწვევს.

ხოლო თუ ვინმეს არ სჯერა, – განაგრძო გოეთემ, – რომ შექსპირის სიდიადეში მისი დიდი ეპოქის ძალისმიერი წილიც ურევია, ერთხელ თავს დაეკითხოს, შესაძლებელია თუ არა, რომ ეგზომ

განსაცვიფრებელი მოვლენა დღევანდელ ინგლისში, 1824 წელს, კრიტიკანული და ვითომ მამხილებელი ჟურნალების უხამს დროში გამოჩენილიყო!

ისეთი უშფოთველი, სუფთა, თითქმის სომნამბულისტური შემოქმედება, – რაც ერთადერთია, დიადის შექმნას რომ სტიმულს აძლევს, დღეისათვის უკვე შეუძლებელია. ყველა ნიჭიერი მწერალი დღეს საზოგადოებრივ ლანგრებზე დამდგარი გვევლინება. ორმოცდაათამდე კრიტიკული ფურცელი გამოდის ყოველდღე სხვადასხვა ადგილას და თავიანთი გამოხდომებით აქებებენ საზოგადოების მიტქმა-მოტქმას. ასეთ ვითარებაში შეუძლებელია რაიმე ჯანსაღი ნერგი ამოვიდეს და გაიხაროს. ვინც დღევანდელ დღეს ასეთი მჩხრეკელობიდან შორს არ დადგება და თავისი შემოქმედების იზოლირებას ვერ შეძლებს, დაღუპულია. რაღა თქმა უნდა, უგემოვნო, ავი, ცუდი, ნეგატიური და ძირითადად უარყოფითი ესთეტიკური და კრიტიკული საგაზეთო სტატიების საშუალებით მასებში რაღაც სანახევრო კულტურა გადის, ხოლო გამოჩენილი შემოქმედისათვის ეს არის ბოროტი ნისლი, დამლუპველი მუსრის შხამი, რაც მისი შემოქმედებითი ძალის ხეს ახმობს, დაწყებული მშვენიერი მწვანე ფოთლებიდან, უღრმესი და უხილავი ბოჭკოების ჩათვლით.

საერთოდაც, რა საცოდავი, უმწუხარო და უბადრუკი გახდა ჩვენი ცხოვრება უკანასკნელი რაღაც ორასი თუ სამასი წლის განმავლობაში! საიდან მოვიდეს ახლა ორიგინალური და შეუსუდრავი ბუნების ადამიანი! ვილასა აქვს ძალა, რომ გულმართალი იყოს და თავი ისე გვიჩვენოს, როგორც არის! ამას ასახავს პოეტი, რომელმაც ყოველივე ეს თავის თავში უნდა იპოვოს, მაშინ როდესაც გარედან ყველა ზურგს აქცევს და გასაჭირში ტოვებს.

24 თებერვალი, 1825 წ.
გოეთემ განაგრძო საუბარი ბა-

ირონზე.

მარად უსაზღვროებისაკენ მიმართულ მის ბუნებას დიდი სარგებლობა მოუტანა იმ შეზღუდვაში, რაც სამი ერთიანობის კანონზე დაკვირვებამ მოახდინა. ნეტავი, ზნეობრივ სამყაროშიც ასევე შეეზღუდა თავისი თავი! სამწუხაროდ, ეს ველარ შეძლო და ამან დაღუპა, რადგან ლაგამანყვეტილი ცხოვრებით განირა თავი.

თვით საკუთარ თავზე ბუნდოვანი წარმოდგენა ჰქონდა. თავისი დღე და მოსწრება სულ ვნებათაღელვას მინდობილი მოქმედებდა, იმას კი არ უფიქრდებოდა, თუ რას აკეთებდა. თავისი პოემით „ინგლისელი ბარდები და შოტლანდიელი მიმომხილველები“ იმთავითვე გადაიკიდა თავისი დროის გამოჩენილი ლიტერატორები. შემდეგ ერთი ნაბიჯით უკან დაიხია, რათა ეარსება. მაგრამ შემდგომ, თავისი შემოქმედებაში, ისევ დაიკავა შეურიგებელი და ქედმაღლური პოზიცია. არც ეკლესია და სახელმწიფო დაინდო თავდასხმებისაგან. ამ კანდიერმა გამოხდომებმა აიძულეს დაეტოვებინა ინგლისი და შემდეგ ევროპიდანაც კი გადახვეწილიყო. ყველგან ევინროვებოდა და თავის განუსაზღვრელ პიროვნულ თავისუფლებაშიც კი თავს შევიწროვებულად გრძნობდა; ქვეყნიერება საპყრობილედ ეჩვენებოდა. საბერძნეთში ჩასვლა საკუთარი სურვილით არ მომხდარა. მთელ სამყაროსთან განხეთქილებამ აიძულა გადაედგა ეს გმირული ნაბიჯი.

მარტო ყოველივე ჩვეულებრივის, ტრადიციულის, პატრიოტულიაგან განდგომამ კი არა, მისმა რევოლუციურმა სულისკვეთებამ და მასთან დაკავშირებულმა მუდამ დაძაბულმა გრძნობა-გონება (გემუტ) შეუშალეს ხელი მის ნიჭიერებას, რომ სათანადო განვითარება მიეღო დიდი ტალანტის პატრონს. ამასთან, მარადიულმა ოპოზიციამ და თავისივე ბრწყინვალე ქმნილებების შეუ-

ფასებლობამ უდიდესი ზიანი მიაცენეს. ასეა არა მარტო იმიტომ, რომ პოეტის შელახული განწყობილება მკითხველსაც გადაეცემა, არამედ იმიტომაც, რომ მუდმივი სანინაალმდეგო მოქმედება ქმნის უარყოფას (ნეგატივს), უარყოფა არაფერს არ იძლევა. თუ ცუდს ცუდი ვუნდო, ამით ბევრს რას მივალწევ? რა სარგებლობას მოიტანს ეს? ხოლო, თუ კარგსაც ცუდი ვუნდო, ეს უკვე ზიანს მოიტანს. ის, ვისაც სიკეთის მოტანა სურს, კი არ უნდა ილანძღებოდეს და სხვათა ნაკლს აზვიადებდეს, არამედ მარად სიკეთეს ემსახურებოდეს. საქმე გრნევა კი არ არის, არამედ შექმნა იმისა, რაც კაცობრიობას ახარებს.

მე ვტკებობდი მისი მშვენიერი სიტყვებით და მიხაროდა ეგზომ ძვირფასი გამონათქვამის მოსმენა.

ლორდ ბაირონი, – განაგრძობდა გოეთე, – უნდა განვიხილოთ, როგორც ადამიანი, ინგლისელი და დიდი ტალანტი. მისი საუკეთესო თვისებები უნდა მივანეროთ მის ადამიანობას, ცუდი – ინგლისელობას; რაც შეეხება ტალანტს, აქ ის განუზომელია... ყველაფერი, რასაც ხელს შეახებდა, გამოსდიოდა, და შეიძლება დაბეჯითებით ითქვას, რომ მასში რეფლექსის ადგილს შთაგონება იჭერდა. მისი მოთხოვნილება მუდამ ის იყო, რომ შეექმნა. ამასთან, ყველაფერი, რაც ადამიანობიდან, მეტადრე გულიდან გამოდიოდა, ბრწყინვალეა. თავის თხზულებებს ის ქმნიდა ისე, როგორც ქალები ქმნიან მშვენიერ ბავშვებს, თუმცა ამაზე არც ფიქრობენ და არც არაფერი იციან.

ბაირონი დიდი ტალანტია, თვითნაბადი, და ჩემი აზრით, პოეტური ძალა არსად ისე მძლავრად არ ვლინდება, როგორც მასში. გარემოს აღქმითა და ნათელი, გამჭოლი ჭვრეტით ის შექსპირზე ნაკლები არაა. მაგრამ შექსპირი, როგორც სუფთა პიროვნება (ინ-

დივიდი), უფრო დიდია. ამას ძალიან კარგად გრძნობდა ბაირონი, ამიტომაც მასზე ცოტას ლაპარაკობს, თუმცა მისი ქმნილებებიდან მთელი ადგილები ზეპირად იცოდა. ხალისითაც უარყოფდა, რადგან მისი სიცოცხლის სიყვარული შებრკოლებების ლოდად ელოდება წინ და ვერაფერი გაანყო შექსპირისეული მხიარულების წინააღმდეგ, ვერაფერს უპირისპირებდა მას. ჰოპს არ კიცხავს, რადგან მისთვის არავითარ საფრთხეს არ წარმოადგენს. ხშირად ახსენებს და ყოველნაირად პატივსაც სცემს, რადგან ძალიან კარგად იცის, რომ მის გზაზე ის მხოლოდ სუსტი თევჯირია.

გოეთესათვის ბაირონი ამოუწურავი იყო და თითქოს ყოველთვის სურდა მისთვის ესმინა. მცირე ხნით რომ სხვა საგანზე გადავიდოდა, მალე ისევ ამ თემას დაუბრუნდებოდა.

ინგლისის პერის მალალმა მდგომარეობამ ბაირონზე ცუდი ზეგავლენა იქონია, რადგან გარესამყარო ზღუდავს გენიალურ ადამიანს, მით უფრო ეგზომ ამპარტავანსა და მდიდარ კაცს. ოქროს შუალედი ალბათ ბევრად უფრო ხელსაყრელია ნიჭიერი კაცისათვის, რადგან მხატვართა და პოეტთა უმრავლესობა საშუალო ნოდებიდანაა გამოსული. ბაირონის მიდრეკილება განუსაზღვრელისაკენ ეგზომ საშიში არ იქნებოდა, უფრო დაბალი ნოდებისა და ნაკლებად მდიდარი რომ ყოფილიყო... ან როგორ უნდა ჰქონოდა თავად ეგზომ წარჩინებულ ადამიანს სხვა წარჩინებულთა წინაშე რიდი და კრძალვა? ის ამბობდა იმას, რაც მოეხასიათებოდა და ამან მიიყვანა გარესამყაროსთან შეურიგებელ კონფლიქტამდე, მაგრამ როგორც პოეტი, ის იყო ჭეშმარიტი ბატკანი.

გაგრძელება შემდეგ ნომერში

ერთობლივი პროექტი „ვისწავლოთ ერთად“

შარშანდელი აგვისტოს მოვლენების შემდეგ, სექტემბრიდან იანვრამდე, თბილისის 144-ე საჯარო სკოლაში (დირექტორი მანანა კიკაჩიშვილი) მათემატიკის მასწავლებლად მუშაობდა სამაჩაბლოდან, ზემო ნიქოზიდან დევნილი პედაგოგი ნათელა მინდიაშვილი. შემდეგი დაუბრუნდა თავის სოფელსა და სკოლას, სადაც დაინიშნა სასწავლო ნაწილის გამგედ. თბილისში კი დიდი სიყვარული და სითბო დატოვა კოლეგებისა და მოსწავლეების გულში.

მიმდინარე სასწავლო წლის დასაწყისში ნიქოზის სკოლის დირექტორმა და ქალბატონმა ნათელამ თანამშრომლობისთვის მოგვმართეს. ორი შეხვედრისა და აზრთა გაცვლა-გამოცვლის შემდეგ გადაწყდა, შეგვემუშავებინა პროექტი „ვისწავლოთ ერთად“. პროექტი ითვალისწინებდა იმ ღონისძიებების ნუსხას, რომლითაც გამოცდილებას გაუზიარებდით ჩვენს ნიქოზელ კოლეგებს. ოქტომბრის ბოლოს, გეგმის მიხედვით, პირველი შეხვედრა შედგა – 144-ე საჯარო სკოლას ზემო ნიქოზის სკოლის 15 პედაგოგი, სასწავლო ნაწილის გამგე და ისტ-მენეჯერი ეწვია.

ეს დღე მეტად დატვირთული გამოდგა მასპინძელი პედაგოგებისათვის. ნიქოზელი სტუმრები ყველა კლასში ესწრებოდნენ მათ მიერ ჩატარებულ ინტეგრირებულ გაკვეთილებს ქართულ ენაში, ბუნებაში, ხელოვნებაში, გეოგრაფიასა და მათემატიკაში, უცხო ენებში: ჩვეულებრივ ოსტატობა უჩვენეს კოლეგებს 144-ე სკოლის პედაგოგებმა: მარინე გამცემლიძემ, მზევი ცომიაიამ, მაია ცომია-თორაძემ, დალი მიქავამ, ლია გულვერდაშვილმა, მანანა მჭედლიშვილმა, ხათუნა ჩოქურმა, ნინო მელქაძემ, თინათინ შენგელიამ, ეკა გოგუამ, დალი ლომთაძემ, ნინო გამეზარდაშვილმა, მაია კორძაძემ და ანა დარსაველიძემ.

გაკვეთილების შემდეგ, ორივე სკოლის პედაგოგებმა ისაუბრეს სწავლების თანამედროვე მეთოდების, სხვადასხვა აქტივობების გამოყენების, შეფასების კომპონენტების შესახებ. გაეცვენენ პედაგოგთა გეგმა-სილაბუსებს. სკოლების ფსიქოლოგები, ტოლერანტობის პედაგოგები – ლატავრა პავლაძე და მარი გოგოშვილი ერთმანეთს უზიარებდნენ გასულ სასწავლო წელს მიღებულ გამოცდილებას. როგორც გაირკვა ზემო ნიქოზის



სკოლა ინტერნეტში არ არის ჩართული, ისტ-მენეჯერს, ლევან ძამუკაშვილს კი დიდი სურვილი აქვს, რაც შეიძლება მიზნობრივად და ეფექტურად გამოიყენონ პედაგოგებმა კომპიუტერები საგაკვეთი-

ლო პროცესში, ამიტომ განსაკუთრებით საინტერესო იყო მისთვის 144-ე სკოლის ისტ-მენეჯერების: მარი სუბუასა და ქეთი ქათამაძის რჩევა-დარიგებები. დღის ბოლოს შეჯამდა ის შედე-

გები, რაც პარტნიორობის ფარგლებში გამართულ პირველ შეხვედრას მოჰყვა. ნიქოზელმა პედაგოგებმა გადაუხადეს მასპინძელ სკოლას გულთბილი შეხვედრისა და საქმიანი, საინტერესო, ბევრის მომცემი დღისათვის. ასეთი თანამშრომლობის სასიკეთო შედეგებზე ისაუბრა მთანმინდა-კრწანისის რაიონის რესურსცენტრის უფროსმა, მედეა სამსონიამ და აღნიშნა, რომ გამოცდილების გაზიარების მსგავსი მეთოდები განსაკუთრებით მნიშვნელოვანი და საჭიროა ე. წ. საზღვრისპირა სოფლების პედაგოგებისათვის. კარგია, რომ 144-ე საჯარო სკოლა ამ მხრივ ტრადიციას აგრძელებს.

პროექტის ფარგლებში, ნოემბრის ბოლომდე, უკვე 144-ე საჯარო სკოლის პედაგოგები ესტუმრებიან პარტნიორ სკოლას.

ქეთი ქათამაძე



განათლების რეფორმის მნიშვნელოვანი ეტაპი მასწავლებელთა კვალიფიკაციის ამაღლება

განათლების სისტემაში დაგეგმილი რეფორმა, როგორც ცნობილია, მოიცავს საგანმანათლებლო სტანდარტებს, შეფასების სისტემას, სახელმძღვანელოებს, პედაგოგთა გადამზადების პროცესს.

ამ პროცესში, საქართველოს მრავალ სკოლაში შორის, ჩართულია ვარდების რაიონის სოფელ სარტიჭალის №1 საჯარო სკოლა (დირექტორი – ირინა მასისურაძე). ამ სკოლის პედაგოგები მუდმივ მზაობაში არიან შეიმუშაონ ის ახალი მეთოდები და სტრატეგიები, რომელზე მოთხოვნილებაც თანამედროვე სკოლაში მკვეთრად გაიზარდა. კარგი შედეგი გამოიღო შეფასების ახალმა სისტემამ სარტიჭალის №1 საჯარო სკოლაში: საშინაო დავალება – 30%, საკლასო აქტივობა – 30%, შემაჯამებელი ტესტი – 30%, პროექტი – 10%. მოსწავლე აცნობიერებს, როგორ ხდება მისი ცოდნის შეფასება და ამ მიდგომით უკეთეს შედეგს ვიღებთ. პედაგოგების მრავალწლიან გამოცდილებას დაემატა ტრენინგ-კურსებზე შეძენილი ცოდნაც, ახლებურად მიუდგნენ სასწავლო პროცესის დაგეგმვას, რათა თითოეული გაკვეთილი მოსწავლისათვის საინტერესო იყოს. გარდა ამისა, კლასებს შორის ტარდება კონკურსი საუკეთესო პროექტებს შორის. კლასი რეიტინგული ქულებითა და სივლით ჯილდოვდება, ამ პროცესში მონაწილეობენ სამეურვეო საბჭოში შემავალი პედაგოგები, მშობლები, მოსწავ-

ლეთა თვითმმართველობის წარმომადგენლები.

პედაგოგები ემზადებიან მასწავლებელთა სასერტიფიკაციო ტრენინგ-კურსების გასავლელად. ამ მიზნით, უკვე მიმდინარეობს შიდა სასკოლო მზადება. სერტიფიცირების მიზანი

მხოლოდ მატერიალური მხარე კი არა, თითოეული პედაგოგის კვალიფიკაციის ამაღლებაზე ყოველდღიური ზრუნვაა. სერტიფიცირება მხოლოდ პირველი ნინგადადგმული ნაბიჯია, რასაც შემდგომ მოჰყვება პროფესიულ განვითარებაზე მუდმივი ზრუნვა. მიიტანო



ყველა სიახლე მოსწავლემდე, ჩასწვდომი სულიერ სამყაროს, განუვითარო ლოგიკური აზროვნება და ნასწავლის მიზანმიმართულად გამოყენების უნარ-ჩვევები – პედაგოგის მუდმივი ზრუნვის საგანი უნდა იყოს. სწორედ ამ მიზნით, სკოლაში კათედრებზე სისტემატურად იმართება პედაგოგთა შეხვედრა, სადაც მიმდინარეობს აზრთა გაზიარება, მიღწეული შედეგების შეჯამება თუ დაუძლეველი პრობლემების გადაჭრის გზების ძიება.

თანამედროვე სკოლა ვერ ეგუება ძველ სტერეოტიპულ გაკვეთილს. ელექტრონული ტექნოლოგიების საუკუნეში მოზარდები, ხშირად, პედაგოგებზე მეტად ინფორმირებულნი არიან და სირთულეებს რომ არ გადავანყდეთ, საკუთარ თავზე მუდმივად მუშაობაა საჭირო. სამწუხაროა, რომ სოფელ სარტიჭალაში ინტერნეტსკეელი არ არის, თუმცა, სკოლა უახლესი კომპიუტერული ტექნიკითაა აღჭურვილი და, შეძლებისდაგვარად, ხერხდება მასწავლებელთა მომზადება „ირმის ნახტომის“ პროგრამით. ყველა ეს პირობა გვაძლევს იმედს, რომ სკოლის პედაგოგები წარმატებით დაძლევენ სასერტიფიკაციო გამოცდებს.

თინა ავაშიძე

სარტიჭალის №1 საჯარო სკოლის ხარისხის მართვის მენეჯერი

ისტორიული ტრადიციების იუბილარი სკოლა

მიმდინარე წლის, ოქტომბრის ბოლოს, თბილისის პეტროს ადამიანის სახელობის სომხურ თეატრში, 104-ე საჯარო სკოლის (დირექტორი – კარინე მანუკიანი) 70 წლის-თავთან დაკავშირებული საიუბილეო საღამო გაიმართა.

სკოლა 1938 წელს დაარსდა, როგორც სომხურენოვანი და საქართველოს ერთ-ერთ მონივნავ სასწავლებლად ითვლება. აქ ასწავლიდნენ გენტის, ბერლინის, პეტერბურგის უნივერსიტეტების კურსდამთავრებულები. მათ შორის არიან მეცნიერების, ხელოვნების, მწერლობის დარგში მოღვაწე ადამიანები, აკადემიკოსები: ედუარდ და მხითარ ჯრბაშიანი, მწერალი შაჰენ თათიკიანი, მხატვარი გეგორქ გრიგორიანი, იურიდიულ მეცნიერებათა პროფესორი სურენ მკრტიჩიანი და სხვ.

დღესდღეობით სკოლა აგრძელებს ისტორიულ ტრადიციებს. ყველაზე მრავალრიცხოვანია თბილისის სომხურენოვან სკოლებსა და სექტორებს შორის. 180 მოსწავლის განათლებას 30 პედაგოგი, 9 ადმინისტრაციულ-ტექნიკური პერსონალი ემსახურება. ბოლო დროს დაარსდა გაზეთი „ვანქ“, ფუნქციონირებს ცეკვის, სიმღერისა და კარატეს წრეები.

იუბილესთან დაკავშირებით, საქართველოს განათლებისა და მეცნიერების მინისტრის ბრძანების თანახმად, თბილისის 104-ე საჯარო სკოლის პედაგოგებსა და თანამშრომლებს სიგელები გადაეცათ.



საიუბილეო საღამოს ესწრებოდნენ: სომხეთის ელჩი საქართველოში – გნაჩ სილვანიანი; საქართველოს პრეზიდენტის მრჩეველი, გაზეთ „ვრასტანის“ რედაქტორი ვან ბაიბურთი; საქართველოს განათლებისა და მეცნიერების მინისტრის პირველი მოადგილე ირინე ქურდაძე; საქართველო-სომხეთის კავში-

რის თავმჯდომარე გენა მურადიანი; სომხური დრამატული თეატრის სამხატვრო ხელმძღვანელი, საქართველოს პარლამენტის წევრი არმენ ბაიანდურიანი; თბილისის 24-ე საჯარო სკოლის დირექტორი გია მურდულია; ასევე ერევნის 198-ე სკოლის დირექტორი არტაშეს თოროსიანი; საქართველოს სომეხ მწერალთა კავშირ „ვერნატუნის“ თავმჯდომარე ჟორა სნსსჩიანი; მწერალი – ანაიდა ბოხტანჯიანი; ასევე, ამავე სკოლის კურსდამთავრებულები: სურენ მკრტიჩიანი – იური-



დიული მეცნიერების დოქტორი, აკადემიკოსი, მოსკოვის ოლქის სამართლისა და მართვის ინსტიტუტის რექტორი, საბჭოთა კავშირის სპორტის ოსტატი კალათბურთში – გოპარ გრიგორიანი და სხვ. მათ წარმატებები უსურვეს იუბილარი სკოლას. საქართველოს განათლებისა და მეცნიერების მინისტრის მოადგილე, ირინა ქურდაძემ მისალოცი წერილი წაიკითხა. ღონისძიებაში მონაწილეობდნენ და მშობლიურ სკოლას იუბილე მი-

ულოცეს სასწავლებლის კურსდამთავრებულებმა, სკოლის ცეკვის ანსამბლმა „ჯეირანმა“ (სამხატვრო ხელმძღვანელი – სვეტლანა ერიბაიანი). სომხეთის განათლებისა და მეცნიერების სამინისტროს წარმომადგენელმა სკოლის 10 პედაგოგი დიპლომებითა და სიგელებით დააჯილდოვა. დირექტორს, ქალბატონ კარინე მანუკიანს, დიპლომთან ერთად, ოქროს მედალი გადაეცა.

კაა გუტაშვილი

თბილისი ჩემი სახლია

მეორე წელია, თბილისის მერიის მხარდაჭერით ხორციელდება პროექტი „თბილისი ჩემი სახლია“, რომელშიც მონაწილეობენ თბილისში მცხოვრები სხვადასხვა ერის წარმომადგენლები. პროექტის მიზანია ერთა შორის კულტურული ურთიერთობების გაღვივება, დედაქალაქის სიყვარულის მომავალი თაობებისთვის გადაცემა. მონაწილეებს 98-ე სკოლა მასპინძლობს.

ოქტომბერში სკოლამ ებრაულ დიასპორას უმასპინძლა. საშუალო ზოგადსაგანმანათლებლო სკოლა „ორ-ავნერის“ აღსაზრდელბმა აჩვენეს, თუ როგორ შეიძლება ადამიანს უყვარდეს ქვეყანა და ქალაქი, სადაც ცხოვრობს და ამავდროულად უყვარდეს, ახსოვდეს და პატივს მიაგებდეს ისტორიულ სამშობლოს.

ღონისძიება გახსნა სკოლის დირექტორმა, რაბინმა მერ კოზლოვსკიმ. მან დამსწრე საზოგადოებას მიულოცა სუქოთის დღესასწაული, რომელიც სწორედ ამ დღეებში იზეიმება და დამდეგი თბილისობა. იერუსალიმში დაბადებულმა და გაზრდილმა ბევრი საერთო აღმოაჩინა თბილისსა და მშობლიურ ქალაქს შორის. ისაუბრა თბილისის საოცარ თვისებაზე – დაიტოს ყველა, ყველას გაუღოს კარი. რაბინის გამოსვლას მოჰყვა საქართვე-

ლოში ისრაელის სრულუფლებიანი ელჩის იცხაკ გერბერის სიტყვა, რომელმაც ისაუბრა ორი ქვეყნის მეგობრულ კავშირებსა და ურთიერთობებზე. გამოთქვა სურვილი, რომ ასეთივე მეგობრული ურთიერთობა ჰქონდეთ ებრაელ და ქართველ ბავშვებს. ბატონმა ელჩმა ისაუბრა ისრაელის ისტორიაზე და მადლიერებით აღნიშნა, რომ ოცდაექვსი საუკუნის განმავლობაში ებრაელები საქართველოში ისე გრძნობდნენ თავს, როგორც საკუთარ სამშობლოში.

ამის შემდეგ გამოვიდნენ ბავშვები, რომლებმაც თბილისისა და იერუსალიმის გერბების სიმბოლიკაზე ისაუბრეს, შემოგვთავაზეს გასიერება იერუსალიმისა და თბილისის ქუჩებში, შეასრულეს ორივე ქალაქისადმი მიძღვნილი სიმღერები, წაიკითხეს ლექსები, შეასრულეს ქართული და ებრაული ნაციონალური ცეკვები.

ღონისძიების ბოლოს არც გამასპინძლებმა დაივიწყეს. სტუმრებს წმინდა მიწიდან ჩამოტანილი ღვინო და ნაციონალური ტკბილეული შესთავაზეს.

ეს სიყვარულისა და მეგობრობის ზეიმი იყო.

ენო საყვარელიძე



სპორტი



15 ოქტომბერი თბილისის დინამოს ყოფილი კაპიტნის, დიდი ფეხბურთელის, შოთა იამანიძის გარდაცვალების დღეა. 57-ე სკოლის ინიციატივით (დირექტორი სოსო ხუცნიანი) ეს თარიღი მინი-ფეხბურთში ტურნირით აღინიშნა. ორგანიზატორი და მთავარი მსაჯი იყო სპორტისა და ესთეტიკის კათედრის გამგე ოთარ ბაქანიძე. ტურნირში მონაწილეობდნენ ვაკე-საბურთალოს რაიონის

სკოლების ფეხბურთელთა გუნდები. უფროს ასაკში (V-VI კლ.) ორ ქვეჯგუფად დაყოფილი 12 გუნდი მონაწილეობდა. უმცროს ასაკში (III-IV კლ.) 7 გუნდი - წრიული სისტემით. ამ ჯგუფში ყველა შეხვედრა 57-ე სკოლელებმა ფეხბურთელებმა მოიგეს. უფროს ასაკში ფინალური შეხვედრა კერძო სკოლა „მოდ-ვარსა“ და 57-ე სკოლასთან არსებულ ნორჩ „დინამოელთა“

შორის გაიმართა. გამარჯვება 57-ე სკოლელებმა მოიპოვეს. გამარჯვებულ გუნდებს გადაეცათ გარდამავალი თასი, ხოლო გამორჩეულ ფეხბურთელებს - პრიზები, მედლები, ბურთები და ნიგნი „ისწავლე ფეხბურთით“. ნოემბრის ბოლოს კიდევ ერთი ტურნირი მოეწყობა. იგი მწერლისა და საზოგადო მოღვაწის, გურამ ფანჯიკის ხსოვნას მიეძღვნება.



ახალი ტურნირი

გორში ძიუდოსტთა ახალ ტურნირს ჩაეყარა საფუძველი - ოქტომბრის ბოლო დღეებში ტრაგიკულად დაღუპული მსოფლიოს ჩემპიონ კობა კურტანიძის ხსოვნის პირველი საერთაშორისო ტურნირი ჩატარდა ქაბუკთა შორის. 1989 წლის მსოფლიოს ჩემპიონი კურტანიძე ზუსტად 10 წლის წინ მშობლიური გორის მიდამოებში ორ თანმხლებ პიროვნებასთან ერთად გამოსასყდის მიღების მიზნით ყაჩაღებმა გაიტაცეს. თავის არეში საბედისწერო ტრავმაც მათთან ჭიდილში მიიღო და დარჩენილი წლები სარეცელზე გაატარა. ის 6-წლიანი ავადმყოფობის შემდეგ, გონზე მოუსვებლად გარდაიცვალა.

კურტანიძის ხსოვნის უკვდავსაყოფად ტურნირის დაარსების იდეა მისსავე მეგობრებს ეკუთვნით, რომლებმაც ჩანაფიქრი რეალობად აქციეს და როგორც გვპირდებიან, ეს ტურნირი ტრადიციული გახდება. იმედია, ასეც იქნება, სადებიუტო შეჯიბრებაში უცხოელთაგან თურქები, სომხები და აზერბაიჯანელები გამოდიოდნენ.

ამ ტურნირში საქართველოს ნაკრები სრული გუნდით გამოვიდა. მისი შემადგენლობა ქვეყნის ჩემპიონატის შედეგებით გაირკვა - ყველა მედალოსანი ჭიდაობდა. მოკლედ, შეჯიბრებაში მასპინძლები რაოდენობრივადაც ჭარბობდნენ და შედეგებითაც აჯობეს სტუმრებს - 9 წონითი კატეგორიიდან რვაში გაიმარჯვეს, ის ერთადერთი ოქროს კი აზერბაიჯანმა მოიპოვა. ჩვენებურთაგან ჩემპიონები გახდნენ: გიორგი შუკვანი (34), რატი ასანიშვილი (38), ბექა ნათათრაშვილი (42), ივანე მათიაშვილი (46), თამაზ კირაკოზაშვილი (50), სოლომონ თედიაშვილი (55), აპოლონ ზურაბიანი (60) და ბექა ლვინი-აშვილი (66). აზერბაიჯანელებმა კი ოქრო ყველაზე პრესტიჟულ მძიმე წონაში ირგუნეს - ფიროდინ დადაშოვმა (+66).

სტუმრებს ყველგან აჯობეს

მასპინძლებმა სტუმრები არა მხოლოდ ოქროს მედლებით, სხვა სინჯის ჯილდოებითაც დაჩაგრეს. მძიმე წონის გარდა, ყველა წონაში ქართული ფინალები გაიმართა და სტუმრები ვერცხლს საერთოდ ვერ შეწვდნენ, ბრინჯაოებიდან კი აზერბაიჯანელებმა 5, სომხებმა ორი მოიპოვეს, თურქები კი უმედლოდ დარჩნენ. ისიც აღსანიშნავია, რომ ჩვენი ჩემპიონებიდან რამდენიმემ საქართველოს პირველობაზე ოქრო ვერ მოიპოვა. ესეც ერთი მაგალითია იმისა, რაოდენ მნიშვნელოვანია ასევე ასაკში ხშირი ტურნირები - რეალური სურათი შეჯიბრებიდან შეჯიბრებად შეიძლება შეიცვალოს.

თაგან ჩემპიონები გახდნენ: დავით მალაღაშვილი (26), ლაშა კობახიძე (30), ბექა ლაზარაშვილი (32), ვალერი მანძულაშვილი (36), გიორგი დოლიაშვილი (44,5), უჩა ყველაშვილი (48), ნიკა ნადირაძე (52), რატი ტლაშაძე (54), დავით თინიკაშვილი (56) და გიორგი ზედგინიძე (58). ფოთის გუნდი მშობლიურ ქალაქში 4 ჩემპიონით დაბრუნდა - ბადრი სუციშვილი (28), გიორგი ჩარგაზია (34), გიორგი მანჯავიძე (39,5) და ნუკრი ადამია (46). ასევე 4 ოქრო ირგუნეს ქუთაისელებმა - ზაურ სურციძემ (38,5), დიმიტრი შამათავამ (41,5), თემურ ჩხეიძემ (43) და იური ბუაძემ (62). დანარჩენ წონით კატეგორიებში ახალქალაქელმა პეტროს სტეფანიანმა (40,5), მესტიელმა ლადო კვანჭიანმა (50) და ჭიათურელმა პავლე გოგოლაძემ (68) მოიპოვეს.

უფროსთა ტურნირში 1992-93 წლებში დაბადებული მოზარდები გამოდიოდნენ. ყველაზე მეტი - 4 ოქროს მედალი აქაც მასპინძლებმა დაისაკუთრეს: გიორგი ყულუმბეგაშვილი (48), გიორგი დვალისხელი (64), ნიკა სენიაშვილი (69), ბესიკ წერიალაშვილი (75). სხვა წონებში ყველაზე უკეთ ახალქალაქელმა ვენეტიკ ერანოიანმა (51), მესტიელმა გელა გულედანმა (57) და გარდაბნელმა გიორგი კაკრიაშვილმა (60) იასპარეზეს.

ყველაფერი დათმეს

საქართველოს 19-წლამდელ მორაგბეთა ნაკრებმა ევროპის ჩემპიონატში მეორე ადგილი დაიკავა და, საჩემპიონო თასთან ერთად, გაისად გასამართი 20-წლამდელთა მსოფლიო ჩემპიონატის საგზურიც დაკარგა. ევროპის პირველობის ფინალურ ეტაპს

პორტუგალიის საუნევერსიტეტო ქალაქმა, კოიმბრამ უმასპინძლა, მასში სულ 8 გუნდი მონაწილეობდა. ჩვენმა ნაკრებმა პირველ შეხვედრაში გერმანია გაანადგურა - 34:3. მათი მომდევნო მეტოქე რუსეთი აღმოჩნდა, ამ გუნდების შეხვედრა ყოველთვის ზუპირნიციული და დაძაბულია. ქართველი მორაგბეები ჩრდილოელებს გამუდმებით უგებენ ყველა ასაკში და გამონაკლისი არც ეს შეხვედრა გამოდგა, თუმცა ჩვენებს პრინციპული მეტოქის ძლევა ცოტა გაუჭირდათ - 12:8 მოუგეს. ეს ნახევარფინალში მოხდა და ჩვენებიც ფინალში გავიდნენ, სადაც მათი მეტოქე იტალია იყო. სამბრეტოელები ფინალში ლალი თამაშით, იოლად მოპოვებული გამარჯვებით გავიდნენ და დაამტკიცეს, ტურნირის უმთავრესი ფავორიტები რომ იყვნენ.

ფინალური შეხვედრა იტალიელთა უპირატესობით წარიმართა და, მთლიანობაში, იოლადაც გაიმარჯვეს - 16:3. ქაოსურად მოთამაშე ქართველებს მათ სწრაფად დაუდეს ლელო, რომელიც ზუსტად გარდასახეს. ჩვენებმა ვიტარების გამოსწორება და თამაშის სადავეების ხელში აღება კი სცადეს, მაგრამ ძლიერი მეტოქის რიდს ვერაფერი მოუხერხეს და რამდენჯერმე მიუტევებელი შეცდომა დაუშვეს. დასაწყისშივე მათ რამდენიმე ისეთი შანსი გაანიავეს, ცხადი გახდა, თამაშის მომგებები არ იყვნენ. სამწუხაროდ, ჩვენებმა სასწაული მართლაც ვერ შემოგვთავაზეს და დამარცხდნენ. ევროპის პირველობაზე მეორე ადგილიც არაა ურიგო, მაგრამ ჩვენებს მთავარი სამიზნეები - თასი და 20-წლამდელთა საგზიო მსოფლიოს პირველობის საგზური მეტოქეს გადაულოცეს.

რუბრიკას უძღვება ირაკლი თაყაიძე



ახალი განათლება მთავარი რედაქტორი: მარიკა ჩიქოვანი

მისამართი: ტატილაშვილის №3 ტელ.: 95-80-23, 890 958023, 855 411668, 855 178027. www.axaliganatleba.ge E-mail: axaliganatleba@gmail.com, ganatleba@mail.ru რეგისტრაციის № 2/4-1609, ინფორმაცია ხელმოწერისთვის: 76096 გაზეთი რეგისტრირებულია დიდუბის რაიონის სასამართლოს მიერ. რედაქციაში შემოსული ხელნაწერები არ რეცენზირდება და ავტორებს არ უბრუნდება.

რედაქციის რეკვიზიტები: საქართველოს ბანკი ბ/კ 220101502, ს/კ 202058735, ა/ა 123631000